

UTL AT DOWNSVIEW



D RANGE BAY SHLF POS ITEM C  
39 13 01 04 16 008 0

20.10.72

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

PR  
4430  
H42E8  
1897

Es'ad, Mahmud  
Seri'at-i Islamiye

(criticism of Thomas Carlyle's  
"The hero as prophet")


This is correct cataloguing MS

June 24/79

1466

12/115






محکم دلائل سے مزین و متنوع و منفرد موضوعات پر مشتمل مفت آن لائن مکتبہ

Şeriat-ı  
İslāmīye

بن امین : سیدی شہری


خزینہ جلیلہ مالیه حقوق مشاوری




# سُریۃ اسلام

و

مستقر قارلایل



معارف نظارت جلیلہ سنک ۴۴۴ نومرولی و فی ۱۹ جمادی الاولی  
سنہ ۳۱۵ تاریخلو رخصتنامہ سیلہ طبع اولتمشدر




در سعادت

( جمال افندی ) مطبعہ سی — باب عالی جوارنده عزیزیه جادہ سندہ  
نومرو ۵۷

ابتدای جمادی الآخرہ

۱۳۱۵

۷۱  
۷۲



PR  
4430  
H42 E8  
1897



## — ﴿ شریعت اسلامیہ ﴾ —

و

### مستر قارلایل

۱۔ — اشبور سالہ مزہ اتخاذ ایتدیکمز عنوان قارئین کرامہ  
براز غریب کورنسه کر کدر۔ او یله یا ! شریعت اسلامیہ ایله مستر  
قارلایل بیننده نه مناسبت واردر ؟ فی الحقیقه وهله اولاده  
بوفکر وارد خاطر اولور۔ لکن شواترده مستشرقین غریبه نك  
وبونلر ایچنده بر موقع ممتاز احراز ایتمش اولان مستر قارلایلک  
صاحب شریعت صلی الله علیه وسلم اقدمز حضرت لر یله آنک  
تبلیغ بیوردینی دین اسلام حقنده حاصل ایتدکری افکاره  
دائر برنبذه معلومات ویرمک ایتدیکمزی بیلدیرر ایسه ک  
بالاده کی عنوانک معنونه مناسبتی تسلیم اولتور ۔

بویله برائر یازمقدن مقصدمز اوصاف جلیله محمدیه نی  
اجانبدن اوکرنمک ویا آنلرک افاداتیله شریعت مصطفویه نك



علويتى اثباته قالمشقى اولدينى ظن اولمسون . سیر نبوى  
حقنده لسان عربى وفارسى وترکى اوزره اوقدر آثار يازلمشدرکه  
بونلرک کافه سنى اوقومق دکل، حتى مندرجاتلرندن بر علم اجمالى  
حاصل ايتمک ايچون بيله عمر منز کافی دکلدر . بونکله برابر جناب  
سعدينک :

« مجلس تمام کشت و باخر رسيد عمر »

« ما همچنان در اول وصف تو مانده ام »

ييتده سويلديكى کي ينه اوصاف ومدايح جليله محمدیه نك  
برنجى بابنده بولمقده يز .

الحق « الفضل ماشهدت به الاعداء » مصراعنک دخی  
شهادت ايتديكى وجهله حقيقت اسلامیه نك براجنې آغزندن  
استماع ايدلمسى موجب ممنونيت دکلدر ؟ بوندن بشقه اجانبک  
هانكى نقطه ارده حقيقتنه اطلاع ایده مدکلری دخی اکلاشيور  
وويريله جک ايضاحات ايله بوجهتلرده کي شبهه لری ده ازاله ايدلمش  
اولور .

بن، دين اسلام عليهنده غرضکارانه برلسان ايله کتاب  
يازان معارضينک اعتراضاتندن قورقام؛ لکن دوست صورتنده  
کورينوبده دين اسلامى تقدیس ایدهرک کتاب يازان محررلرک  
لسان ملايم ايله درميان ايتدکلری انتقادادن خوف ایدرم .  
چونکه غرضکارانه يازيلان برکتاب هيچ برمسلمانک ذهني

تحدیش ایدہ من [۱] . حالو کہ دوستانہ یازیلان اثر ، حقیقت اسلامیہ یہ مطلع اولمادیغی حالہ اولسانہ واقف اولان برکنجمرک الہ کچر ایسہ اکا شہہ القا ایدہ بیلور .

شرقلیرک احوال و عادات و مذاہب و معتقداتندن بحث ایتہلری حسدیہ « مستشرقین » نامی آلان ذواتک کشف حقیقتہ خدمتلی استغفار بیورلسون . دہا دونکی کون دیمک اولان ۱۶۰۰ تاریخ میلادیسنده ارضک مدورلکنہ قائل اولہلرندن طولای « جوردانو برونولر » ک دین نامنہ اولہرق میدان سیاستدہ اودون ییغی اوزرینہ چیقاریلوب انظار عامہدہ چایر چایر یاقلدیغی برکرہ تصور بیورلسون . بردہ بوکون احراق اولندقلری مقاماتہ کمال تعظیم ایلہ ہیکلرینک رکز ایدلدیکی دوشونلسون؛ اوروپا و آمریقانک تا مرکزندہ برطاقم ارباب غیرت چیقاراق عالم نصرانیتک خصم جانی عد ایدیان اسلامیت

[۱] غریب دکلکی کہ یونان محاربہ سنک ظہورندن بری کنجلمرک فکرنده بیوک برتقاوت کوریورم . وقتیلہ بونلردن اوروپا لسانلرینہ آشنا اولانلرک اوروپالورہ بیوک برمیل وانہماکاری مشاہدہ اولنیوردی . اشبو محاربہ نک ابتداسندن بری یونانیلرک کریددہ و تسالیادہ ارتکاب ایتدکلری مظالم و تعدیات میدانده ایکنینہ اوروپانک اک جدی جراثیدینک واک بیوک آدملرینک فکر غرض و تعصب ایلہ اسلامیت و عثمانلیق علیہندہ غرضکارانہ مقالہلر نشر و نطقلر ایراد ایتدکلرینی کورن کنجلمریمز، تعبد درجہ سنندہ سودکلری اوروپانک حقیقت حالنہ بر درجہ یہ قدر مطلع اولاشلر و آکا کورہ معاملہ ایتکک باشلامشلردر .



حقنڊه اثرلر يازوب حقايق اسلاميه يي اقوام نصارا بيننده نشره  
جسارت ايتديكي كوز اوكنه كتيرلسون . شوايكي صفحه آره .  
سند نه بيوك تضاد واردر ! برايكي عصر ظرفنده افكار غريبه ده  
حصوله كلن تحول و انقلاب ، حقيقه شايان استغرابدر . غربليرك  
او احوال ظالمانه لر يي شمديكي افكار اعتدالكارانه يه تحويله  
خدمت ايدن ذواتك سعي و غيرتلي ، البته شايان استصغار  
دكلدر .


بز ، مستشرقين غريبه دن آمر يقالو مستر قارلايلي انتخاب  
ايتدك . چونكه بوذات غربيون بيننده نائل اعتبار واشتهار  
اولمش برحكيم ذي اقتدار اولديني حالده ، عثمانلور ايچنده پك آز  
طائمشدر . حالبوكه فرانسه تاريخي حقنڊه اوچ جلد اوزرينه  
انكليزجه يازديني اثر حكيمانه سيله فرانسزلي بيله حيرته براقان  
مستر قارلايلك ، اوصاف جليله مصطفىويه دن باحث اولان  
The hero as Prophet نامنده كي اوتوز قرق صحيفه لك براتري  
اهميتجه آندن دون دكلدر . ايشته بويله برطاقم آثار قيمتداري  
سبيله دركه علي الاكثر بوكي حكمانك كچيردكلري عمر مزويانه  
ايله امرار حيات ايدن مستر قارلايلك قبري ، بوكون زيارتگاه  
عمومي اولمشدر . حتى عوام ناسدن اولمسييله قارلايلك مزيت  
ذاتيه سنه واقف اوليوب حالابر حيات بولنان برادري ، حياتنده  
ايكن هيچ كيمسه نك نظرا اعتبار يي قزانه مامش اولان قرداشنك  
قبري فصل اولوبده بوكون زيارتگاه اتخاذا ايدلديكنه بردرلو

عقل ایردی رمدیکی روایت اولمقدمه در .

مستقر لایلك موضوع بحشمز اولان اثری، آثار سائرہ سی  
کبی، علما ایچون یازلمش اولدیغندن بونده تفصیلات لازمه یوقدر .  
بر بحث حقندہ کی افکار و محاکماتی او یله بر یولده سرد ایدر که  
آنی اوقویانلر اولجه اوبخه بر تفصیل مطلع اولمازلر سه آندن  
برشی استفاده ایدہ مزلر . بر چوق جملہ لری منبی علی الحکایہ  
اولوب ارسال مثل طرز ندہ یازلمشدر . آنکچون اشبو اثری .  
عیناً ارباب مطالعہ یه تقدیم ایتمکده بیوک بر فائده ماحوظ اولما .  
دیغندن آرالرینه ایجاب ایدن ایضاحات علاوہ ایدلدی . شویله که  
قارلایلك افاداتی صرہ سیله اوقنور سه متن تماماً وعیناً کورلمش  
اولور .


انجق غربیلرک وبالخاصہ اوروپالورک دین اسلام وصاحب  
شریعت علیہ السلام حقندہ اک اول نه فکر حاصل ایتدکلرینی  
واشبو فکرک نه نتیجه لر تواید ایلدیکنی ونه کبی تحولاته اوغرا .  
یهرق بوکونکی حاله کلدیکنی بیلمک فائده دن غیر خالی اولدیغندن  
اول امرده بوبابده بر فقره علاوہ سنه لزوم کورنمشدر .

حکیم شهیر احمد مدحت افندی برادر من اشبو اثرک  
فرانسزجه یه ترجمه سنی در عهده بیوردقلرندن قریباً ترجمه سنک  
دخی دهامکمل بر صورتده میدان انتشاره وضع ایدیلہ چکنی  
ارباب مطالعہ یه تبشیر ایدرز .



## — ايلك مستشرقلر —

مندرجات : ظهور اسلام و غربك ايلك خرافه لری . غربلر ايجون كشف حقيقته بادی اولان ايكي حادثه . ايلك فرانزوانكيز مستشرقلری . ژان عانيه ، ابوالفدا ترجمه سی ، سير نبوی — ساواری ، قرآن عظیم الشانك ترجمه سی ، سير نبی — کوستاو وهيل ، محمد النبي ، سير ودين نبوی ، سيرة الرسول و ترجمه سی — قوسه ن دو پرسوال ، تاريخ عرب — ويليام موویر ، قالکوتہ مجموعه سی — دوكتور سپره نژر ، قران السعدين ، سير نبی ، اصابه لابن حجر — عصر حاضر مستشرقلری .



۲. — معلوم اولديغي وجهله عربلر عصرلردن بری کوشه انزوایه چکلشم بر قوم ایدی . آنلرایچون اقوام سائر دنك ترقیاتی دکل اسمی بیله مجهول ایدی . حتی کندی بیله عالمه مجهول ایدی . قدیم جغرافیون کندی زمانلرنده معلوم اولان دنیایی یازدقلری صرده عربستان شبه جزیره سنی دخی هندستان و چین کی ممالک مجهوله عدادینه ادخال ایتشلردر . عربستان و عربلر بعدالاسلام شهرت آدیلر . آنلره عطیه الهیه اولان شریعت احمدیه اوپله برمدنیت فاضله تشکیل ایتدی که دنیاده بردها مثلی مشهود اولماشدر . آرادن اون اوچ عصر کچدیکی حالده مدنیت ، هنوز اوعلویته واصل اولمادی . اقوام مختلفه دنك علما و حکما سی چوق فکرلر یوردیلر ؛ حقایق اسلامیه دن بشقه اساس متین بوله مادیلر . مشاهدات و تجربیات اوزرینه مؤسس اولان فنون مثبتیه قارشی مذاهب سائره ظل زائل کی محو



اولوب کیدیور، بیت عنکبوتدن دها واهن اولدیغنی کوستریور؛  
بالعکس فنون مذکورہ ایلہ تأید ایدن حقایق شرعیہ قلوب بشر  
اوزرنده کی حاکمیتی دها زیادہ محافظہ ایدیور .

قومیت نزاعیله بیکرله قبائله آریلان قوم نجیب عرب ،  
جهت جامعه اسلامیت ایلہ نقطه واحدهده اجتماع ایتدکدن  
صکره عالمترینک خارجنه ایلک تخطی ایتدکری وقت بیلمدکری  
برمدنیتہ تصادف ایدیورلر ؛ کورمدکری نیجه احوال وعاداته  
واقف اولیورلردی . قلیجندن ، قالقاندن بشقه سلاح ، اوقدن ،  
یایدن بشقه آلت جنک بیلمهین ، چاپوخلیق طریقیله غیر منتظم  
مهاجمتدن ماعدا اصول حربہ مطلع اولمیان ذکای عرب ، اون  
سنه ظرفده ایرانیلر و یونانیلر کی بیکرله سنه لردن بری  
کندیلرینی جهانگیر ورهبر مدنیت عد ایدن اقوامه فن حرب  
تدریس ایده جنک درجهیه ارتقا ایتدی .

شجاعت و بسالت ، ذکا و درایت ، انتظام و عدالت ، اعتدال  
وریاضت کی اوصاف عالیہ ایلہ متصف ، اخلاق حمیده ایلہ  
متخلق اولدقلری حالده مجرد اعلاء کلمه الله ایچون فتوحاته  
شتابان اولان عربلره ؛ بویله فعال ، کنج ، قلبلری دنیوی و  
اخروی امیدلر ایلہ مملو برقومه او اسکیمش اصول اداره التنده  
بولنان اقوامک مقاومت ایتملری قابلیدر ؟

بوقومک ایلک سطوتنه تصادف ایدن حکومت ساسانیه ،  
صاغدن صوله باقمغه وقت بولمتسزین پامال غزات مسلمین اولدیغنی

کې ؛ خرنستيانلغك بش مرکزندن اوچی : قدس شریف ،  
انطاکیه ، اسکندریه دخی رایت ظفر آیت مسلمینه موجه کاه  
اولدی . دردنجی مرکزی اولان قسطنطنیه دخی اسلام  
اردولرینک تهدیدی آلتده بولنیوردی . عالم نصرانیتک صوگ  
امیدی روماده قالمش ایدی . حالبوکه دلاوران عرب ، غربدن  
طولاشه رق فرانسه نك تا وسطنه ، تور شهرینه کلدیکی کبی  
جنوبدن دخی رومانك قبولرینه قدر یتشمش و سن پیه رك  
صندوقه سیمینی اغتنام کبی بعض تهدیدات ایله برابر پاپالق  
مقامنی عصرلرجه کندیله رینه جزیه کذار ایلمشلر ایدی .

جالب نظر اعتبار اولان مواد دندرکه اردوی اسلامك  
بویله عالمه کوز آچدیر مقسزین برق خاطف کبی ممالك فسیحه یی  
ضبط واستیلا یتسی ، یالکز قوای ماده لر ی سایه سنده دکل  
ایدی . اسلامی مدینه منوره دن برعصر ظرفنده برجهتدن  
هند و چین سورلرینه ، دیگر جهتدن اقصادی غربه و فرانسه نك  
وسطنه قدر جلب ایدن شی ، مسلمانلرک عدالتی ، اقوام وامی  
ظلمه دن وینه معنا ظلمه دیمك اولان عقائد باطله دن قورتارمسی  
اولمشدر . رایت ظفر آیت اسلامیه نك موجه نما اولدینی ممالك  
اهالیسی هان ماده و معنا اهل اسلامه التحاق ایدیور ییورلردی .  
حتی فاتح شهیر موسی بن نصیری اسپانیایه دعوت ایدن ، سپته  
شهرینك محافظی «قونت جولیانوس» اولدینی کبی اردوی اسلام  
اوروپانك ایچرولرینه طوغری ایلرولدیکجه اسپانیول ملتی طرفندن

حسن صورتہ استقبال اولیوردی . «روئن» وارنجہ یہ قدر خلق  
 فوج فوج کلوب اردوی اسلامہ التحاق ایلہدہ قناعت ایتہرک  
 برچوخی مسلمان اولیوردی . بو حال دوام ایتسیدی ینہ بوقوت  
 اسلامی پارسہ ، لوندرہ یہ ، برلینہ قدرده جلب ایدہ بیلوردی .  
 رؤسای روحانیہ ایچون بوکا برچارہ بولق ، خالق اسلامدن  
 تنفیہ چالشق لازم کیوردی . آنلرایچون اسلامیت ایلہ قانون  
 مناظرہ دائرہ سندہ مباحثہ ایتک دہ قابل دکلدی . چونکہ قارشو  
 قارشویہ بولنان شو ایکی دیندن بری استدلال ایلہ امرایدیور ،  
 دیگر استدلالتن نہی ایدیور . برینہ کورہ ترک استدلال  
 موجب اثم اولیور ، دیگرینہ کورہ استدلال ایلہ اشتغال باعث  
 لوم اولیور . بری « ولا تجادلوا اهل الكتاب الا بالتي هي احسن »  
 آیت کریمہ سندہ امتہ اهل کتاب اولان موسویلر وعیسویلر  
 ایلہ مباحثہ یہ کیریشلکدہ قانون مناظرہ یہ توفیقاً صورت حسنہدہ  
 مباحثہ ایدلمسنی امرایدیور ، دیگر ایسہ امتی بحثہ کیریشمکدن  
 منع ایدیور . میدان مناظرہدہ شو ایکی مناظردن هانکیسنک  
 ثبات ایدہ یلہ جکنی یانہ حاجت یوقدر .

بوسیدن ، رؤسای روحانیہ اولای خالق قبول اسلامدن  
 واسلاملرلہ اتفاقدن منع ، بعدہ اسلام علیہنہ محاربہ یہ تشویق  
 ایچون یکانہ برچارہ قالیوردی کہ سب و شتم و افترا و بہتاندن  
 عبارت ایدی .

ایشتہ بومغلوبیت مادیہ و مغنویہ زمانلرینک یادکاری اولہرق



عن قصد اختراع ايديلان افترالر، بهتانلر علم اسلاميت اوزرته عصرلرجه دوام ايتدى. خرستيانلر نظرنده مسلمانلر مدنيته كصى، انسانيتك هادى اولوب پت پرستلكك اك آشاغى دركه سنده ايدى. اسلاميتى تزيف ايچون برطاقم الفاظ تحقيره اختراع اولندى كه مرور ايام ايله السنهده شتم و تحقير تعبيراتى عدادينه كيردى. نام جليل محمدىك برصم اسمى اولديغنه قناعت ايدن ميلونلرجه ساده دلان، انسان قياقنده كلوب كچمشدر. « قرووازاد » ناميله تاريخك اك قانلى صحيفه لرني تشكيل ايدوب ميلونلرله انسانلر قانى بهاسنه مال اولان او اهل صليب محاربده لرى، دين اسلام حقنده حاصل ايديلان بو كى افكار سخيغه نك نتيجه طبعيه سيدر. نصرانيتك دوامى، منفعت مخصوصه لرى ايجابندن اولديغى حالده ميدان مناظره يي كندينه طار بولان رؤساي روحانيه، خصمه مقاومت ايچون چاره لر تحري ايتديكي صروده وقتك ايجانجه اقوام آراسنده بولان كرداب افتراقدن استفاده ايدىيور. شريعت اسلاميه عليهنده كي افترالرى، بهتانلرى ايله او كردابي بيولتدكجه بيولتيور. ذاتاً وسائط اختلاط مفقود، اقوام يكدىكرينك حالى تفتيشه غير مقتدر اولدقلرندن غرب اهاليسى رؤساي روحانيه لرينك مفترياتنى حقيقت محضه عد ايدىيورلر. عصرلرجه بو حال دوام ايدىيور، حقيقت مستور قاليور.

۳. — انجق شمس منير حقيقت، سحاب كذب وافترا ايله

نہ قدر مدت مستور قالیر؟ البتہ، نہایۃ الامر ینہ حقیقت، ظفریاب اولور . آفتاب عالمتاب اسلامیت اوزرینہ چکلمک ایستیلان او صنعی حجاب کشف ایکی وقعہ ایله مرتفع اولیور . بری پاپاسلرک نفوذلرینک زوال ونقصانی، دیکری اوروپالیرک ممالک اسلامیہ ده مستملکات ایدنملریدر . قاتولیک مذهبی ، ماهیتی میدانہ قویدقندن صکرہ ، بومذهب اربابنک ہر سوزلری یکیدن حادۂ تدقیقندن کچیرلمکہ باشلا یالیدن بری اسلام حقنہ کی ترہاتلرینک دخی انتقادینہ کیریشیایور وبوجہلہ کذب و دروغلری میدانہ چیقیور . مستملکات مسئلہ سی ده بوکازیاہ یاردم اییدیور . مستملکات اہالیٰ اسلامیہ سیلہ اختلاط ایدن اوروپالیر، حقیقت اسلامیہ قارشیی حیران اولمقندن کندولرینی آلہ مایورلر . جملہ سنک افکارینہ آز چوق تحول کلدیکی کبی ایچلرندن مسلمان اولانلر ده بولنیور .

ایشتہ بوجہلہ قرن سابقدن بری رؤسای روحانیہ نک تناقص نفوذلری نسبتندہ اقوام مختلفہ آراسندہ کی رقابت آزالیور ؛ اختلاط و مناسبات تکثر ایتدکجہ یکدیگرینک حالہ اطلاع حصولہ کلیور ؛ حقیقت اسلامیہ نک اوزرینہ چکلمک ایستیلان حجاب کشف دخی یواش یواش مرتفع اولیور . دین اسلامک حقیقۂ بر دین عالی اولدینی وایلہ ادعا اولندینی کبی پت پرستلک اولمادینی وبالعکس بالجملہ قواعد اسلامیہ نک موافق عقل وحکمت ایدوکی آکلاشیایور .

۴. — اسلاميت حقنده کي شو نظر عداوت اثری، الاول تبديله مبادرت ايتک شرفی فرانسز وانکلیز اقوامی بیننده مشترکدر . جیون ، مؤیر ، قوسه ن دو پرسوال ، سنت ایلر ، وهیل ، سپره نثرر کبی مستشرقین تاریخ دین اسلامی و ادبیات عربیه یی تدقیقه قویولایلر و ممکن مرتبه بی طرفانه بر محاکمه یوروتمک ایستایلر . اون سکزنجی عصر محررلرندن دهن پریدو ، آبه ماراچی ، بوله ن ویله ، وولتر ، بامپتون کبی حق نبویده کی روایانی تحریر ایدنلرده بولندی . لکن بونلرک محرراتندن اوصاف نبویه یی و دین اسلامک حقیقتی استنباط ایتک بر اوروپایی ایچون غیر قابل ایدی .

۵. — الاول اوصاف جلیله نبویه یی تحری و تحریر هشتابان اولان « ژان غانییه » در . بوذات ، فرانسوی الاصل اولوب مؤخرأ انکلتره تابعیتیه کیرمشدر . ژان ۱۶۹۰ سنه سنه طوغری « ناوار » مکتبنده تحصیل ایتدی . عربجه و عبرانیجه ده بیوک بر استعدادی کورونیوردی . اکمال تحصیلدن صکره « سن ژنه ویهو » راهبی اولدی . لکن بردن بره رهبانیتی ترک ایله تزوج ایتدی . بعده انکلتره یه التجا ایدهرک پروتستانلق مذهبه کیردی . بو مذهب جدیده درت ال ایله صاریله رق قاتولیکلک علینه شدتله یوریمکه باشلادی . بونکله برابر « اوقسفورد » دارالفنوننده لسان عربی تدریس ایدیوردی . بو صره ده احوال شرقه دائر عالمانه اثرلر نشر ایتدی . بونلرک اک مهمی



«ابوالفدا» تاریخک، ترجمہ سیلہ برابر، طبع ایدلمسیدر. بو کتابدن استنباط طریقہ یازدینی «سیر نبی» ایکی جلد اوزرینہ مرتب اولوب ۱۷۳۲ تاریخندہ «آمستردام» شہرندہ طبع اولندی. ۱۷۷۰ تاریخندہ وفات ایتدی. ژان غانی یه دن بری اسلامیت حقندہ دها پارلاق اثرلر یازلدی، لکن آنک اثری بوکون بیلہ ایدی اعتبار واشتہارده طولاشمقدہ در.

۶. — ظن اولندیغہ کورہ، وولتر «عادات اقوام» نام اثرندہ حضرت پیغمبر حقندہ مندرج اولان فقراتی غانی یه نک اثرندن اقتباس ایلمشدر. وقیلہ شان محمدی یه غیر لایق بر صورتده مفتریادن عبارت بر هائلہ یازمش اولدیغہ مقابل مؤخرأ اشبو مباحثی تحریرہ لزوم کورمشدر. بو هائلہ یی تنظیم ایتدیکی وقت وولترک جناب رسالتما ب افندمن حقندہ کی معلوماتی پک یاکلش ایدی. حتی ۱۷۴۰ تاریخندہ آلمانیا حکمداری فرہ دریقہ یازدینی مکتوب بندن ده بوجہت مستبان اولمقدہ در. حضرت پیغمبر حقندہ یازیلان آثار صحیحہ یی تدقیق و مطالعہ ایتدکدن صکرہ فکر ونظری بالکلیہ تبدل ایتدی. حتی «وصف جلیل نبویده مبالغہ ایتدی» دیہ بعض ہمشہریلری طرفدن دوچار اغراض اولمشدر.

۷. — ژان غانی یه نک وفاتندن اون ایکی سنہ صکرہ (۱۷۸۲) «ساواری» طرفدن قرآن عظیم الشانک ترجمہ سیلہ برابر آثار معتبرہ شرقیہ دن مأخوذ اولق اوزرہ بر «سیر نبی» نشر اولندی.

ساواری نك اشبو اثری پك زیاده اعتبار قزاندی. بیچاره دها  
 اوتوز سكر یاشنده بو عالم فانییه وداع ایتدی . ۱۸۲۲ تاریخنده  
 بونك ترجمه سی « غارسه ن دوتاسی » نام ذاتك نظارتیله تکرار  
 طبع ایدلدی وعقاید اسلامییه دائر برلاحقه علاوه اولندی .  
 ۸. — ژان « غانییه » نك شاگردانندن « کوستاو ودیل » آنك  
 مسلک نی تعقیب ایتدی . « محمدالنبی ، سیر و دین نبوی » نامیله آلمانجه  
 بر اثر یازدی ، ۱۸۴۳ تاریخنده ستوتگاردده نشر ایتدی . بو اثرك  
 مندرجاتی ، قرآن عظیم الشان دن ، نسخه سی نادر اولان آثار  
 عربیه دن ، اسلام تاریخندن مأخوذ و طقوز باب اوزرینه مرتبدر .  
 اثرینك نهایتده علمای اسلامك آثارندن و بالخاصه ابراهیم  
 حلبی حضرتلرینك اثرندن مقتبس مستشهدات وارددر . بو اثری  
 تحریر ایچون چوق و قتلر صرف ایتدی ، چوق تبعات اجرا  
 ایلدی . لکن بونك مراجعت ایتدیکی مأخذلر ، ایلروده بیان  
 ایده جکمز مستشرقینك مأخذلری قدر کثیر اولمادیغی کی قدم  
 جهتیله ده آنلر ك درجه سنه وارده مامش و دائماً متأخرینك آثارینه  
 مراجعت ایتشدر . بونكه برابر اثری اعتباردن ساقط اولیوب  
 یازلدیغی زمان هر حالده موجود اثرلره رجحان قزانشدر .  
 بوندن بشقه کوستاو ودیل ، عبدالمالك ابن هشامك « سیره الرسول »  
 نام اثرینی آلمانجه یه ترجمه و ۱۸۶۴ سنه سنده ستوتگاردده طبع  
 ونشر ایتدی . ابن هشام ایکنجی عصر هجری رجالندن اولغله  
 اثری کتب سیرك همان کافه سندن اسکی ، و مستشهدات معتبره دن

معدود اولغلہ برابر بوکون نوادر دندر . موسیو ویلیام موویر  
 هندستانده بو ائرک یالکز ایکی نسخہ سنی کورمشدر : برینہ  
 دہلیدہ ، دیگرینہ قالکوتہ دہ متشکل آسیا جمعیتک کتابخانہ -  
 سندہ تصادف ایشدر . موسیو سپرہ نژردہ برینہ عودتدہ  
 برنسخہ سنی برابر کتیرمش ایدی . بو اثر سکرنجی عصر ہجریدہ  
 (۷۰۷) شام شریف علماسندن بر ذات طرفدن اختصار ایدلمش  
 وبروقلر اشبو خلاصہ موقع انتشاردہ طولاشمشدر . موسیو  
 وہیل اصل ابن هشامک اثرینی ترجمہ وایکی جلد اوزرینہ  
 ترتیب ایتدی : جلد اولی ولادت نبویہ دن بنی سلیم محاربہ سنہ  
 قدر و ۳۹۰ صحیفہ ، جلد ثانسی سویق غزوہ سندن ارتحال  
 نبویہ قدر و ۳۹۴ صحیفہ در . وہیل بو اثری معلم «ستہ ہلین» ہ  
 ہدیہ ایتدی ومصارف طبعیہ سی اشبو معلم طرفدن تسویہ  
 اولندی . آندن اول « ووستہ نفہلد » نامندہ بر آلمانیا لی دہ  
 سیرۃ الرسولک عربچہ سنی نشر ایامشدی .

۹. — بعدہ «قوسہن دوپوسوال» طرفدن «تاریخ عرب»  
 نامیہ معنون بر اثر نشر ایدلدی کہ آثار سابقہ پی کولکدہ براقدی .  
 بو اثر ، زمان جاہلیتدن اعتباراً تا زمان نبویہ قبائل مختلفہ نک  
 لواء محمدی التمدہ اجتماع ایتدکری وقتہ قدر قبائل عربک  
 احوالندن باحذر . اوچ جلد اوزرینہ مرتب اولہرق ۱۸۴۷  
 -۱۸۴۸ سنہ لرنده پارسدہ طبع ایدلدی . بوندہ قدمای عربک  
 انسابی ممکن اولدینی قدر تفصیلندیرلمشدر . بو اثر اوزوپادہ



يك زياده اعتبار قزاندى . ويريلان تفصيلاتك مبسوط اولمقله  
برابر هپ يكي شيلراولمى، موثوقيتى، وقيله ياكلش آكلاشيلان  
ويا هيچ آكلاشلامش اولان نجه مصادك تشرىخ ايدلمى،  
عربستانك قبل الاسلام احوالنه دائر معلومات ويرلمى، اترك  
موضح اولمى كى مزايا موسيو قوسهن دو پرسوالك كشفيات  
تاريخيه سنه بيوك بر اهميت ويردirdى؛ كل يوم اهميتى ترايدايتمكدردر.  
شوقدركه مؤلف مومى اليه، اثرنده يك احتياطلى طاورانمش  
ووقايحك تحقيقات ومحاكياتى ازباب مطالعه يه براقشدر. موسيو  
كوستاو وديل، زمان جاهليت حقنده يالكز برقاق صحيفه يازمش  
ايدى؛ موسيو قوسهن ايسه بوجهت ايچون بر جلد تخيص  
ايتشدر. بواترك الكيكى واك زياده شاين مطالعه اولان جهتيده  
بودر. اووقتدن برى هانكى برمورخ. تاريخ اسلامه دائر بر اثر  
يازارسه مومى اليه اقتفاً زمان جاهليتندنده بحث ايتمكدردر.  
فى الحقيقه حضرت پيغمبرك، ايچلرنده تولد ايتديكى قومك حالى  
كوسترلز وزماننك وقايح عموميه سندن بحث اولمازسه، تاريخ  
اسلام حقيه آكلاشلاماز.

۱۰. — بونلردن صكره موسيو «ويليام مووير» اليه موسيو

«سپردنر» طرفندن اسلاميه دائر ايكي اثر نشر ايدلدى.  
بواثرلر ممالك اسلاميه ده يازيله رق اوروپاده طبع اولندى.

موسيو مووير، مقدمه سنده كوسترديكى وجهله اثرينى، علماء  
اسلاميه اليه ايتديكى مباحثاتدن طولاني كسب اشتهار ايدن

«پفاندر» نامندہ کی میسیونرک تشویقی اوزرینہ یازمشدر . بواثر اول امردہ «قالکوتہ مجموعہ سندنہ» تفرقہ صورتندہ نشر ایدلمشدی : نوعما خریستانخی نشر مقصدیلہ یازلمش اولدیغندن ، کالیلہ بی طرفانہ دکلدر . موویر ، هند مسلمانلری نزدندہ دها زیادہ انتشار ایتسی مقصدیلہ اثرینی اول امردہ هند لسانی اوزرہ یازمق آرزو ایتدی . لیکن بحث ایدہ جکی مسئلہ نک ترا کتنہ وھندہ بولنان علماء اسلامیہ دن چوغنک انکلیز لسانہ آشنا بولملرینہ بناءً انکلیزجہ یازمسنی ترجیح ایتمشدر . موسیو موویر . ہرنہ قدر میسیونر مسالکندہ اولیوب بنغالہ دہ ملکیہ مأموریتندہ مستخدم ایسہدہ کنیدیسی و قیلہ طریق رھبانیتدہ بولندیغندن . اثری برنبدہ پایازلق شائبہ سندن خالی دکلدر . انکچون بوکا بر اثر فنی نظریلہ باقیلہ مز ؛ حالبوکہ آتیدہ بیان ایدہ جکمز سپرہ نژدرک اثری اودرجہ بی طرفانہ یازلمشدرکہ ، اسلامیتی یک آلقشلا ندیغندن طولای دوجار تعریض اولمشدر .

۱۱۔ — مع هذا افکار عالیہ اصحابی دوقتور «سپرہ نژدر»ی بوندن طولای مؤاخذہ ایتک شویلہ طور سون اسلامیت حشندہ کی مکتسبات علمیہ سنہ وفدا کارلغہ تقدیر خوان اولمقدہ ؛ وکنیدیسی بودرجہ مساعی جمیلہ صرفنہ مجبور ایدن حسیات صداقتکارا نہ سندن طولای آلقشلا مقصدہ درلر . موسیو سپرہ نژدرک فکر نجبہ اوروپالیر . اوتہ دنبری ازمنہ عتیقہ احوالہ لزومندن زیادہ اھمیت ویردکلری حالہ ، مسلمانلرک احوالہ لزومی قدر اھمیت ویرمہ .

مشلردر. بوانكي فقره دن برنجيسي بزه مسلم دكلسه ده ايكنجي  
 فقره نك عين حقيقت اولديغنه شبيه يوقدر. آنك ايچون «سپردنر»  
 دها پك كنيج ايكن عمريني احوال اسلاميه نك تدقيقنه تخصيص  
 ايتدي. غندنه پك قيمتدار اولان ممالك اسلاميه ني طولاسوب  
 بر مدت مسلمانلر ايچنده ياشامسني آرزو ايلدي. اوروپا  
 مدنيتندن مستحسن اولان جهتلرينك شرقه ادخالني ومسلمانلر  
 نلرله احوالنه وادياتنه دار اوروپايلرله معلومات مكملة اعطاسني  
 كندنجه بروظيفه عد ايلدي. بونك اوزرينه هند عليانك اهل  
 اسلام ايله مسكون اولان جهاننده تام اون ايكي سنه عمر كچيردي.  
 تحري ايتديكي معلوماتي تماماً الهه ايتك ومسلمانلر بيننده علوم  
 جديده نشر ايلامك مقصديله لك مساعد احوالي انتخاب ايلدي.  
 مجرد مسلمان اطفالني تعليم وتربيه ايچون اسلام مكتبلري كشاد  
 واداره لريني درعبيده ايلدي. كوسترديكى نمونه اوزرينه ديكر  
 برطانيه مكتبلر دها تأسيس ايلدي. آنلري ده كندى حمايه سنه  
 آلدی. اهالي اسلاميه ايله دها صميمي برمناسبتنه كيرشمك  
 ايچون آنلره مخصوص غزته لر تأسيس ايتدي. لك اول ۱۸۴۵ ده  
 دهلى شهرنده «قران السعدين» عنوانيله مصور بر رساله  
 موقوته نشرينه باشلادى. بونام. مشترى ايله زهره نك مقارتي  
 معناسني مفيد اولوب بوندن ده مقصدي، افكار شرقيه ايله افكار  
 غربيه نك مقارنتي اشراپ ايتك ايلدي. چونكه زهره شرقه،  
 مشترى غربه اشارتدر. دوكتور سپردنر، بوتشبدنه موفق



اولدینی کی، چوقاری آنک اثرینہ اقتفا ایتدیلر. حتی سپره نثره، شرقدن ایرلدقدن اون برسنه صکره بواسلوبده نشر ایدیلن رساله موقوته نك عددی، اون ایکی یه بالغ اولمش ایدی؛ بونلرک کافه سی ده موفقیت تامه یه نائل اولورلردی .

دوقتور سپره نثره، بونکله ده اکتفا ایتدی . نظارتی آلتنده انکلیزجه دن هند لسانه پک چوق آثار فیه ترجمه ایتدیردی . اطفال مسلمینک ذکا و درایتی امیدینک فوقنده بولدی . یتشددیردیکی شاگردان، چوق کچمکسزین اوروپالیلرک معاونتدن مستغنی اولدیلر و کندی باشلرینه استادلرندن کوردکلری مسلکده دوامه باشلادیلر .

دوقتور سپره نثره، شرقلیلر ایله بویله اشتغال ایتدیکی صرده ده اوروپایی ده فراموش ایتموردی؛ چونکه فراموش ایتسیدی، تا صباوتنده درعهده ایتدیکی وظیفه نك نصفی اہمال ایتمش اوله . جقدی . اوروپا یه عودتنده ہپ یازمه اوله رق پک چوق کتب اسلامیہ کتوردی و برلین کتابخانہ سنه وضع ایتدی . بونلرک یالکز انکلیزجه یازیلان فہرسی باشلو باشنہ بر جلد تشکیل ایتکده در . سپره نثره، بوقدرله اکتفا ایتدی . جمع ایتدیکی اشبو کتب نفیسه دن بر اثر میدانہ کتیرمک آرزوسنہ دوشدی، و بونده بالجلہ مکتسباتی خلاصہ ایتدی . اول امرده ۱۸۵۱ء ده اللہ آباد شہرندہ سیر نی یه دائر بر اثر نشر ایتدی . بوندن اون ایکی سنہ صکرہ، تدقیقات عمیقہ اجراسیلہ اوچ جلد اوزرینہ

مرتب ودها مڪمل بر اثر يازدى . بونك ايجون مأخذ اتخاذا  
ايتديكى آثار اسلاف ، تعداد واحصادن افزون اولوب ارتحال  
نبوى يه قدر بالجمله وقايى حاويدر .

دوقتور سپره نثر ك الده ايتديكى آثار نفيسه ونادريه بر مثال  
ايتان ايدهيم . مومى اليه هند كتابخانه لرنده اصحاب نينك تراجم  
احواله دائر بر اثر الده ايتمش ايدى . بونده سكر بيك صحاينك  
بر تفصيل ترجمه حالى مندر جدر . « اصابه » ناميله موسوم  
اولان بوائر ، درت جلد اوزرينه مرتب اولوب طقوزنجى عصر  
هجريده « ابن حجر » طرفدن تحرير ايدلشدر ؛ مأخذلى غايت  
موثوق ومعتبردر . سكر بيك ذاتك ترجمه حالى ايجنده موثوقيتى  
مشكوك اولان ، اونى متجاوزدكلدر . سپره نثر ، بوائر قالكوته ده  
طبع وتمثيله مباشرت ايلمش ايدى . حتى برنجى جلدى هان  
ختم بولق اوزره ايدى . لکن مديران مجلسندن كلن بر امر  
موجبجه طبعى تعطيله مجبور اولدى . انجمن مزبور ك شايدان  
اسف اولان بويله بر امرى اعطا ايتديكنك سببى اكلاشيله مايور .  
حتى بويله بر امر ك ورودندن سپره نثره اصلا بحث ايتمه مكده در .  
بونى بزه موسيو موویر ، كمال اسف ايله بيلدير يور . مع هذا  
نشر ايديلن برنجى قسمندن دخی دوقتور ك نه قدر هممات صرف  
ايتديكى وتصادف ايديلن بونجه مشكلات ايله برابر نه درجه لرده  
موفق اولدينى مستبان اولور .

۱۲. — بورايه قدر تعداد ايلديكمز ، اوروپانك ايلك

مستشرقین پر۔ بولندین صکرہ نیجہ ذوات علوم شرعیہ و تاریخ  
اسلامہ دائر اثر لریاز مشارد۔ کل یوم عددی تزیاید ایتمکده اولان  
اشبو آثارک تعداد و احصائی غیر قابل بر حاله کمشدر . قرآن  
عظیم الشانک متعدد ترجمه لری اولدینی کبی تفسیره، حدیثه دائر  
پک چوق اثر لری یازلمش، علم فقہده ایسه ترجمه ایدلمدک بر مسئله  
براغلما مشدر . یالکز مصر مکتب حقوق معلملرندن «اوژدن  
قلاوہل» اخیراً احکام اوقافه دائر بر مقدمه تاریخیه دن بشقه ایکی  
بیوگ جلد میدانه کتیر مشدر .







## — ❧ — مستر طوماس قارلايل ❧ —

۱۳. — مستشرقین غربیه حقننده بسط ایتدیکمز اشبو  
مقالادن صکره صره مستر قارلايلک مقاله حکمت اساله سنی  
شرح و ایضاحه کش ایسنده اول امرده شونی سویلمه لی یز، که  
محرر اشبو اثرنده «قهرمان» تعیر ایتدیکی اعظم بشریه نك انسانلر  
طرفندن نه صورتله تاقی ایدلنکرینی ککوستر مک ایستیور .  
آنکچون برنجی قسمنده معبودلک درجه سنه چیقار بلان اعظمی  
ایلرو سوریور . ایکنجی قسمنده دخی انیادن ونمونه اوله رق  
نبی آخر الزمان حضرت «محمد مصطفی صلی الله علیه وسلم ائندمز»  
حضر تیلندن بحث ایدیور . قسم اولی موضوع بحمز دن خارج  
اولغله بز ایکنجی قسمنی مطالعه یه شروع ایدیور ز . شو  
مقدمه جک اوزرینه محررک فقره آتیه دن مقصدی کندیلکنندن  
متضح اوله جقدر .

۱۴. قارلايل . — شمالده اسقاندینا ولر یئیننده اعتقاد  
ایدیان شرک زمانلرندن ، او وحشی دورلردن بوسبتون بشقه

برقوم بیندہ انتشارایدن بشقہ بردین دورینہ؛ عربلر آراسندہ  
ظہور ایلہین اسلامیت زمانہ طوغری ایلرولیسورز . عظیم  
برتفاوت کورییورز . انسانلرک احوال عمومیه سندہ وافکارندہ  
نہ بیوک برتحول وترقی مشہود اولیور ! آرتق قہرمان، کندی  
وطنداشلری آراسندہ معبود صایلمیور؛ بلکہ طرف باریدن  
الہام اولمش برذات، برنبی عد ایدیلیور .

ایضاح۔ — اسقاندیناولر «اودہن» نامندہ برمعبودہ پرستش  
ایدرلردی . دہا طوغریسی «اودہن» نامندہ کی رئیسلرینی معبود  
درجہ سنہ چیقارمشلر ایدی . لکن اسقاندیناولر، برانسانی اللہ  
اعتقاد ایدنلرک و آکا درلو دبرلو مصاللر اویدیرانلرک ایلکی  
دکلدرلر . بوکی مشرکینک اک اسکیلری، ظلمت مجہولیت تاریخیہ  
ایچندہ غائب اولوب کیتمکدہ درلر . مستر قالاہیل، دیمک ایستیورکہ  
اقوام مشرکہ طرفدن معبود اتخاذایدیلن اصنام و ہیاکل، ہپ  
وقتیلہ کلوب کچمش اعاظمدن برر ذاتک خیالخانہ بشردہ قالمش  
تمائیلندن بشقہ برشی دکلدر . فی الحقیقہ اویلہ در؛ ہر نہ قدر  
یونان، مصر، کلدان، ہند معبودلری اشخاص مخیلہ دن عد  
اولنیورلر ایسہدہ اجرا ایدیلن تتبعات نتیجہ سندہ کوریلیورکہ  
بونلر عن اصل بعض ممتاز ورفیعۃ الدرجات آدملر ایمشلر ،  
وفا تلرندن صکرہ کندیلرینہ اسناد اولنان وقایع فوق العادہ  
مبالغہ لندیریلہ، مبالغہ لندیریلہ خرافات درجہ لرینہ قدر واردیر۔  
لمشدر . حتی کتب تفاسیردہ بیان ایدلدیکنہ کورہ قرآن عظیم الشاندہ

اسملرى مسطور اولان ود، سواع، يغوٲ، يعوق، نسر آدلوعرب  
بتلرى صلحادن برطاقم ذواتك اسملرى ايمشله؛ وفات ايتدكلرى  
زمان تبركا آنلر ايجون برر هيكل ركز ايدملش؛ مرور ايام ايله  
اشبو هياكلك وضع اصليسى اونودملش و آنلره معبود اولمق  
اوزره تعبد ايتمكه باشلانمشدر . بعده اشبو اصنام، تداول ايادى  
ايله قومدن قومه كچمش و دكلب قيله سنه، سواع هممدان قيله سنه،  
يغوٲ مدحج قيله سنه، يعوق مراد قيله سنه، نسر دخى حمير  
قيله سنه انتقال ايتمشدر .

فقط اسقانديناولرك بر آدمى الله مرتبه سنه چيقارملرى  
ديكر ميتولوژيلر قدر اسكى دكلدر . بر قوله كوره همان همان  
حضرت عيسى ايله معاصر و ديكر اقواله كوره ميلاد عيسادن  
اوچ عصر صوكره اسوچ نوروچ، دانمارقه ايله بعض جزايردن  
متشكل بولنان اسقانديناوياه آسيا طرفلرندن بر بلوك مهاجر  
سوق ايدرك تمدن ايله ين « اودهن » نامنده كى رئيس بالاخره  
خلقك وهمنده بيولتيله، بيولتيله رب الارباب ورب العالمين درجه .  
لرينه قدر وارد يرلمشدر . تاريخك « اودهن » تعين ايلديكى زمان  
بيله بالنسبه دونكى ديمكدر . زيرا اوزماندن يوزلرجه سنه اول  
كلش اولان پادشاهلرك سكه لرى، مؤلفرك ككتابلرى حالا  
اليمزده در ؛ بو سكه لرى ضرب و بوكتابلرى تأليف ايدنلره  
« اشبو زماندن اوچ، بش يوز سنه صوكره بر آدم كله جك، كه  
تبعه سى كنديسنك ژوپيتر اولديغنه قناعت ايله جكدر » دينلسه



ایدی « دلیمی اولدیکیز ؟ هیچ بوندن صوکره عقل بشر بویله  
 شیلره قناعت ایده بیلورمی ؟ » جوانی ویررلر ایدی . حالبوکه  
 اسقاندینا لولرک اوده نی معبود اعظم درجه لرینه واردیرمه لری  
 وفاتی متعاقباً وقوعه کلش اوله ماز . اوده ن وفات ایده جک ،  
 آنکه دوشمش قالمش اولانلر دخی وفات ایده جک ، بونلرک  
 برحیات اولدقلری زمانلرک وقوعات صحیحه سی اونوتیله جق ،  
 اووقوعات صحیحه نک یرینه برطاقم خیالات قائم اوله جق ده  
 اوده ن دخی بوخیالات و خرافات دلاتیله خلقلک ذهنده معبود  
 اعظم اولمق درجه سی بوله جق . بونک ایچونده هیچ اولمازایسه  
 اوچ عصر قدر زمان مرورینه لزوم کوریلور ایسه « اوده ن » ک  
 معبود اعظم اعتقاد اولنسی تمام رسول الله صلی الله علیه وسلم  
 اقدیمز حضر تلرینک بعثتلی زمانلرینه مصادف اولور . واقعا  
 بو حالده قارالایک نبوت احمدیه یی اوده نک الوهیتی ایله مقا-  
 یسه سی پک بجا اولور . میلادک آلتیجی عصری اواخرنده ،  
 یدنجی عصری اوائلنده آوروپانک شمال طرفنده بر آدمی معبود  
 اعظم مرتبه سنه ترفیع ایلدکلری حالده ؛ زمانه قدر هیچ بر  
 مدنیته ک روزکاری بیله اسمه مش بولونان عربستانده بر ذاتک  
 کمال صدق وجدان ایله « انا بشر مثلکم یوحی الی » دیمسده  
 اک مغند دینسرلر دخی استبعاد ایده جک جهت بوله مازلر .

واقعا اسقاندینا لولر اوده نی خالق کل عد ایتزلر ایمش .  
 احتمالکه آندن اول دخی کائناتک خلق اولمش بولندینی حقنده

بعض خاطرملری باقی ایمش . مع هذا مخلوقات ومکونانی نوع بشرک انظار استفاده سنه تودیع ایدن « اودن » اولدیغنی اعتقاد ایدرلر ایمش . عقل وحکمت وشعر وفصاحت وحرب وشجاء عت کبی انسانک کافه اسباب بختیاریبی اودندن کلور ایمش . یونان میتولوژیسنک اوزون اوزادی یه بحث ایلدیکی ایکنجی درجهدهکی معبودلرک ریشی اودن ایمش . بومعبودک یالکیز برکوزی اولوب اوده کونش ایمش . ایکی اوموزلری اوزرنده ایکی قارغه بوانسور ایمش که احوال کائناتدن بونلر کندیسینی خبردار ایدرلر ایمش . سکیز آیاقلی برآته راکب ایمش . آنک صمنی ایشته بووجهله تصویر واعمال ایدرلر ایدی .

مع هذا غریب دگیدرکه ، یالکیز کندی یانلرنده اوطور - دیغنی کوردک دیدکلری بر آدمی الله مرتبه سنه واردیردقلری زمان اودن هنوز بر پرنس ضقیله قیله سنی آناطولیدن اسقا - ندیناویاه سوق ایدیور ایدی . اوزمان اودنه « شوکونلرده ایزنیک شهرنده بر آدمک الوهیتنه قرار ویریایور » دیسه لر ایدی البته اودخی شاشار ایدی .

۱۵ . قارلایل . نب بو حال ، قهرمانلر دورینک ایکنجی صفحه سیدر : برنجی واک اسکی صفحه بی بعدما عودت ایتمه مک اوزره مرور ایتمش اولدیغنی بیان ایده ییلورز . تاریخ عالمده هیچ بروقت و طنداشلری طرفندن الوهیت درجه سنه چیقا - ریله جق درجه ده بیوک هیچ بزفرد کلیه جکدر .

ایضاح . — مستر قارلایک شوسٹرلری یازارایکن بوکون درتیوز الی ملیون راده لرینه واران انسانلرک، همده اک متمدن، اک عالم اولدقلری ادعاسنده بولنان انسانلرک الوهیت درجه سنه چیقاردقلری بر ذاتی تخطر ایتهمش اولمی وارد خاطر اوله بیلور . آنجق قارلایک نفی ایتدیکی شی، وطنداشلری طرفندن برکیمسه نک الوهیت درجه سنه چیقارلمسیدر . بیان اولنان ذات ایسه وطنداشلری طرفندن دکل؛ بلکه برقاق عصر صکره بشقه ممالکتدرده کلن، بشقه انسانلر طرفندن الوهیت درجه سنه چیقارلمشدر . دها طوغریبی اودات الوهیت درجه سنه چیقارلیوب بالعکس جناب حق انسانلر درکسنه ایندیرلمشدر .

۱۶ . قارلایل . — خیر ! بالعکس شونی صورارز که کندی یانلرنده اوطوردیغنی کوردکلری برکیمسه بی حقیقه «شوعالمک صانعی اولان اللهدر» دیه فکر وملاحظه ایدن هیچ برقوم، برقیله کلشمی در؟ احتمالکه کلمه مشدر : دائما برانسان تخطر ایتشلر، یاخود برانسان کورمشلردر .

ایضاح . — فی الحقیقه اساطیر اقوامدن هانکی بری تحری ایدلسه جمله سنک اصلی، قدرت وعظمتی عالمی محیط اولان برالاه مجهوله واصل اولدینی کوریلور . حتی نص جلیل قرآینک شهادتی وجهله مشرکینه وعبدۀ اصنامہ «سماوات وزمین کیم یراندی؟» دیه سؤال ایدلسه «الله تعالیٰ حضرتلری یراندی» دیه جواب ویرلر . «یابو پرستش ایتدیکنر شیلر

نهدر؟ بونلرك الندن خير و شركلز؛ حجر، شجر مقوله سي شيلردر،  
بونلري نصل اوليوردده معبود اتخاذا ايدييورسكلز؟ « دينلسه  
» بزم بونلره عبادتمز، مجرد واجب تعالى حضرتلرينك نزد  
معنويسنده بزه شفاعت ايتهلري ايجوندر « ديه مقابله ايدرلر.

۱۷. قارلايل. — مع هذا بعدما بودخي اولميه جق،  
فيا بعد بيوك بر آدم معبود اوله رق تاقى ايدلميه جك .  
ايضاح. — انشاء الله .

مستر قارلايل، فقره سابقه ده وقتيله اعظم بشرك غايت  
اعظام ايديلوب حتى معبوديت درجه سنه چيقارلدقلى نى بيان  
ايتدكن صوكرده؛ فقره آتیه ده دخى شمدىكى زمانده بيوك عد  
ايدلمسى لازم كلن ذواته هيچده اهميت ويرلمديكنى؛ وبونلردن  
برنجيسى افراط اولمق حسييله شاين قبول اولمادىنى كي، ايكنجيسى ده  
تقريط اولمق حسييله مقبول برشى اولمادىنى؛ وهر قومك احوال  
عقليه سي، ايجلرنده ظهور ايدن اعظمى طرز تاقى وقبوللريه  
مقايسه ايديله بيله جكنى سويامك ايسنيور :

۱۸. قارلايل. — بويوك بر كيمسه يي معبود اوله رق  
طانيق، بر خطايي فاحش ايدى. مع هذا شونى ده تسليم ايتلى يز، كه  
بويوك بر آدم ظهور ايتديكى وقت آنك نه اولديغنى، يا خود  
نه يولده تلقى ايدلمسى لازم كلديكنى بيلمك، هر وقت بر امر صعب  
اولمشدر. بر قومك تاريخنده اك معني دار اولان جهت، ايجلرنده  
ظهور ايدن بويوك بر آدمى نه طرزده تلقى ايلدكلريدر. انسانلرك



فکر سلیملرینک شہادتق و جہلہ، اوبویوک ذاتہ اوصاف الہیہ  
مشابہ احوال وارد [۱] . آنی معبود اولق، نبی اولق اوزرہ می  
تاقی ایتسونلر، یوقسہ نہ اولق اوزرہ تاقی ایتسونلر؟ بو، دائما  
بر مسئله مهمہ اولمشدر؛ انسانلرک شومؤالہ ویرہ جکلری جوابہ  
کورہ، کوچوک برنجردنک آرمسندن سیر ایدرکی، احوال  
عقلیہلرینک تا جکر کاہنی مشاہدہ ایلر .

ایضاح . — فی الواقع بویوک برذانک نہ یولدہ تاقی ایدلمی  
لازم کلہ جکی، بر مسئله مهمہ در . نصارا حضرت عیسیای الوہیت  
درجہ سنہ چقارہ رق نصل خطا ایتشلر ایسہ؛ یہودی لر دخی نیجہ  
انبیای استہزا واستحقار و حتی قتل ایدرکہ دوچار خطا اولمشلردر .  
آنکچون پیغمبریمز صلی اللہ علیہ وسلم اشدیمز حضرتلری «انی  
بشر مثکم یوحی الی» آیت جلیلہ سیلہ حق سامیلرندہ اغراط  
وتفریط اولنماسی لزومنی بیان بیوریورلر ایدی . برطرفدن  
کندوسنک بزم کی بشر اولدیغنی، دیگر طرفدن قاب انورلرینک  
مہبط تجلیات الہیہ اولمسندن طولای دیکر بشرلردن فرقی  
بولدیغنی کوستریورلردی . امتنک اشبو طریق اعتدالدن  
آیرلماسی ایچون نیجہ کرملر « بنی نہ قدر بیولتور ایسہ کز بیو-  
لتکز، لکن نصارانک عیسی حقندہ یاپدقلرینی یاپمایکز» بیوریورلر  
و « بنی الوہیت درجہ سنہ چقارمہ یکز » دیمک ایستیورلردی .

[۱] البتہ بویوک آدم « تخلصوا باخلاق اللہ » امریتہ امتثال ایدن

کیمسہ لردر .

۱۹ . قارلايل . — حقيقت حالده بويوك بر آدم دست طبعدن خروچ ايتش اولمق حسيله اودهن، لوتهر، جونسون، بورنس كي اعظم هپ بر نوعدندرلر؛ بونلرك اساساً هپ بر جوهر دن اولدقلريني ميدانه چيقارمق ايسترم . بيلرنده كي تفاوت عظيم ، عالمك آنلري طرز تلقيسندن، و آنلرك اخذ ايلدكلري شكلدن ايلر و كليور .

ايضاح . — « اودهن » اسقانديناولرك معبوديدر كه بالاده بيان اولمش ايدى . — « جونسون » لوندرده ۱۵۷۴ سنه سنده طوغوب ۱۶۳۷ سنه سنده وفات ايتش دراماتيقي بر شاعر در . باباسي بر نقيير پروتستان باباسي ايدى . يكرمى درت ياشنه قدر كنجالكنى ديوار جياق . عسكرلك، قومدياجيلق كي صنايعده سچيردكدن صكره شمره هوس ايدر ك پك كوزل تياترو اويونلري وجوده كتورمش ايسهده هجو جهته زياده ميهال اولديني ايچون ذلت و مسكنت ايچنده و ثبات ايتشدردن — « لوتهر » ساقسونياده ۱۴۸۳ سنه سنده تولدايدر ك ۱۵۴۶ سنه سنده وفات ايتش و پروتستان مذهبنى وضع ايلمش بولنان ذاتدر كه قلمندن چيقان آثار، قاتوليك مذهبنك نصرانيت حويجه نصل بوزمش اولديغى اثبات ايتديكندن تجديد نصرانيت ايچون پيدا ايلديكي غيرت اغورنده آوروپاجه ياريم عصر قدر بر مدت ظرفنده ميليونلرجه آدم هلاك اولمق مرتبه سنده محاربات وقوعه

گمشدر [۱]۔ «بورنس» ۱۷۵۹ سنہ سندنہ اسقوچیا دہ تولد  
ایدرك ۱۷۹۶ سنہ سندنہ ہنوز ۳۷ یاشندہ ایکن عشرت وسفاہت  
بالاسیہ وفات ایتمش برشاعر در . اشعاری عن اصل اسقوچیا  
لسانیلہ یازیلوب صکرہ انکلیرجہیہ ترجمہ اولنمشدر .

کوریا یور، کہ ہربری برطاقم مواہب الایہیہ نائل اولان  
اشبو ذواتدن اوددن معبودیت درجہ سنہ چیقارلمش، لوتہر  
برمذہب رئیس اولمش، جونسون برادیب خانہ بردوش،  
بورنس ایسہ برشاعر سفیہ اولہرق قالمشدر .

قارلایک بوذواتی بردن موقع مقایسہ چکمی، ہربرینک  
مسکی، انسانلر طرفدن طرز تلقیسی باشقہ ایسہدہ «قابلیت»  
دینان شینک ماہیتی بر اولدیغی کوسترمک ایچوندر . آنحق  
بوذاتلرک بیوکلکی ایلہ حضرت محمد صلی اللہ علیہ وسلم افندیمر  
حضرتلرینک بیوکلکی بینندہ نہ بیوکلک فرق اولدیغی ایلرودہ  
کوزیلہ جکدر .

۲۰ . قارلایل : «اوددن» عبادت ایتک، بینوک  
برذات حضورندہ محبت وحیرتدن غشی اولہرق زانو بزمین  
تعبد اولمق، قلباً آنک سکان سماواتدن برمعبود اولدیغہ اینانمق  
فی الحقیقہ بزم ایچون شایان تعجبدر . شو حالک ناقص برشی  
اولدیغہ دیہ جک یوقدر؛ لکن مثلاً بربورنسی زمامزددہ اولدیغی

---

[۱] لوتہرک تأسیس ایتدیکی مذہب حقندہ «تاریخ اسلام» نام اثر

عاجزییہ مراجعت بیوریلہ .

کې تلى ايتمکه مى کمال تسميه ايدە جگر : جناب حقك يريوزينه  
بخش ايتديكى الك بيوك و قيمتدار بر عطيه ني . « ناهيه » تسميه ايتد .  
يکمز بر ذاتى ، زمانمزدە بزە بر عطيه الهيه ايله عالم لاهوتيدن  
کلن بر روحى ، کوبا بزە اکلنجه اولمق اوزرە کوندرلمش کې ،  
محو وهبا ايدىوزر ، رمادە قاريشدير يوزر ، عبث بر حاله ، حال  
هيچي به ايندير يوزر : بيوك بر آدمى بوصورتله قبول ايديشەده  
حقيقى بر کمال ديه مم . حقيقت حاله نظر ايديله جک اولورسه ، حقى  
استاندين اولرک طوتدقلى مسالکە نسبه بيله ، بورنس حقندە  
اتخاذ ايديلن طرز حرکتک دها آشاغى بر حال اولديغنه ، و  
جمعيت بشريه نك شمديكى مسالکک دها ناقص اولديغنى ازانە  
ايتديکنه حکم ايدىاير . فى الحقيقه محبت و حيرت ايله اوليله غير  
معقول بر صورتدە غشى حاله کلک ، مقبول بر شى دکلدرد ؛ لکن  
غير معقول بر صورتدە و مغرورانە بر طرزدە محبتدن بالکليه  
تجرد ايتک ، آندن اشعدر .

ايضاح . — والحاصل بر آدم حد ذاتندە نه ايسه معاصر لرى  
طرفندن اوليله تلى ايدله ايدرد . بوکا مخالف اوله رق بر آدمى  
معبوديت درجه سنه واردير مق نه قدر عبث ايسه ؛ بورنس کې  
فاضل بر شاعرک شعرينه اصلا اهميت و يرميه رک غزته اوقور  
کې اکلنجه مقامندە اوقيوب آتويوړمک وسفاهت شخصيه سندن  
طولاي آثارينى تحقير ايلمک دخی روا دکلدرد . حتى بوخصوصه  
تفريط ايتک ، افراط ايتکدن اشعدر . زيرا بويوک بر آدم حقندە



افراط ایتک نہ دیمکدر؟ آنی بیولتمک، چوق بیولتمک، لزومندن زیادہ بیولتمک دکلے؟۔ ینہ بونک نتیجہ سی اوزاتک درجہ سنی تقدیر ایتمکن، قدر شناسلقدن عبارتدر . بویوک بر ذات حقندہ تفریط ایتک ایسہ آنی ہیچہ صایہ رق تکبر ایتمکن، کفران نعمتدن، قدر ناشناسلقدن بشقہ برشی دکلد .

۲۱ . قارلایل . — ایشتہ بر قوم مانہ تعظیم ایتک خصوصی دائماً متحولدر؛ ہر دورہ متفاوت، ہر دورہ بر حسن صورتہ ارجاعی مشکلدر . دینہ بیلیرکہ بر دورک رأس مشاغلی، بومادہ نی بر طرز حسندہ حل ایتمکدر .

ایضاح . — چونکہ بر قوم کندی بیوکنی معبودیت درجہ سہ چقار رسہ ہم اوزاتک بیوکلکنی، ہمہ جناب حقک عظمتی اکلا یہ مامش جاہل بر قوم دیمک اولور . مشہور رده نان : «اگر جناب عیسی، اللہ ایسہ کوچوک بر اللہ ایمش؛ انسان ایسہ بویوک بر انسان ایمش» دیور؛ چونکہ اللہ ایسہ بالجمہ ضروریات بشریہ یہ مبتلا اولدقدن بشقہ نہایت یقاسنی جلادک الندن قور تارہ میہ رق جانیلر صرہ سندہ خاچہ کرلمش اولدیشندن عاجز بر اللہ اولور؛ لکن انسان ایسہ بویوک بر انسان ودها طوغریبی بر نبی ذیشاندر . بالعکس بر قوم کندی بیوکنی حال ہیچی یہ ایندیرر ایسہ قدر ناشناسلقنی میدانہ قویمش اولور . آنکچون بومسئلہ قارلایلک کوستر دیکی قدر وبلکہ دہا بویوک بر مسئلہ در .

۲۲. قار لایل . — بز، محمدی سرافراز انیا اولدیغندن دکل: بلکه موقع بحثه چکمه کرده دها سربست بولندیغمزدن طولایی انتخاب ایتدک .

ایضاح . — مستر قار لایل، وقتيله اعظم بشر معبود درجه سنه چیقار لمقده ایکن بودور مرور ایدوب بیوک ذواتک نبی عد ایدلمسی دوری کلدیکی بیان ایتدکن صکره انیای عظام حضراتی ایچندن خانم الانبیا، شفیع روز جزاء، محمد مصطفی صلی الله علیه وسلم افندمز، حضرتلرینی انتخاب ایدیور . سبب انتخاب اولمق اوزردهده بحثه سربست قالمسی ملاحظه سنی اتیان ایدیور . فی الحقیقه انیای عظام حضراتدن عیسی صلوات الله علی نبینا وعلیه افندمز، عندالنصارا معبود درجه سنه چیقار لدیغندن، آندن بحث ایتک مقامه ملایم دکادر . اولوالعزم انیادن دیگر برینی ومثلا موسی صلوات الله علی نبینا وعلیه افندمز حضرتلرینی موقع بحثه چکسه بحثه سربست اولیه رق مطلقا توراته واعتقاد نصاریه موافق بر صورتده اداره لسان ایتک لازم کله جک . بونک خارچنده بریولده بحث ایتسه دوچار انواع تعریضات اوله جق . آنجق نصارانک قبول وتصدیق ایتدیکی بر ذاتی موضوع بحث اتخاذ ایدرسه، نیک وبدینه دائر نه سویلسه آنلر طرفندن هدف تعریض اولیه جنی محققدر .

بوراده مستر قار لایل، خرستیانلری طارلتماق ایچون اداره لی لسان قوللانیور . حضرت رسول اکرمی سرافراز انیا عد

ایتمہ دیکنی کو سترمی، عندالنصارا نبی صادق بیلہ عداولنماسندن  
 طولایدر. فقط نصارانك Prophète کلمہ سنہ ویردکری م»نی  
 وحکم ایلمہ بزم «نبی ورسول» کلمہ لرینہ ویردیکمز معنی وحکم آرہ سندنہ  
 عظیم فرق واردر. آنلر ظن ایدرلرکہ «پروفت» دیمک وقوع  
 بولہ جق برشیئی وقوعندن اول، یعنی ورود مسیحی ورودندن اول  
 خلقہ اخبار و تبشیر ایدن ذواتدر. حضرت محمد، حضرت عیسا دن  
 صوکرہ کلمش اولدیغندن «آرتق پروفیلر تمام اولدقدن صکرہ  
 پیغمبر کلمسنہ لزوم قالورمی؟» دیہ رد ایتشلردر. نصارامیانندہ  
 حضرت محمدی بر «آپوستولوس» یعنی حواری دیہ قبولہ یا قلاشانلر  
 واردر. آنجق انلرہ کورہدہ حضرت پیغمبرك عربستانہ  
 کوتوردیکی نصرانیت، آریوس مذہبندن عبارت اولدینی واو  
 مذہب ایزنیک قونسیلندہ رداولندیغی ایچون حواریلکنی دخی  
 ابطال ایدرلر.

۲۳. قارلایل. — محمد، اصدق انبیا دکلمسہدہ بن کندینی

نبی صادق عد ایدرم.

ایضاح. — مسترقارلایک بوسوزی دخی نصارایہ قارشو  
 بك کنایہ لیدر. فی الحقیقہ صدق و کذب نہدر؟ اعتقادك واقعہ  
 مطابقت وعدم مطابقتی دکلی؟ بو حالده صدقك درجات متفاوتہ سی  
 اولماز: برشی یا صادقدر، یا کاذب. اگر صادق ایسہ کاذب  
 دکلد، اگر کاذب ایسہ صادق دکلد. بونلرک بینندہ واسطہ یوقدر.  
 انبیای عظام حضراتنك دخی کافہ سی صادقدر. صداقتلرینك

درجه سنه گوره طبقاته منقسم دكلردر . مستر قارلايك حضرت پيغمبري دعوای نبوت زده تصديق ايتديكي، بوكلامندن منفهم اولديني كي، ايلروده كي افادات صريحه سيله دخي ثابت اوله جقدر .

۲۴ . قارلايل . — بوندن بشقه بزدن هيچ برينك دين محمدی قبول ايتك تهلكه سی اولماديغندن، آنك حقنده مقتدر اولديغ قدر حسن شهادت ايتك ايسترم .

ايضاح . — محررك « بن، كنديسني نبی صادق عدايدرم » ديدكدن صكره « بزدن هيچ برينك دين محمدی قبول ايتك تهلكه سی يوقدر » ديمسي وطنداشلي ن ايلروده حق عالي جناب رسالت ناهيده ايراد ايده جكي حسن شهادتدن اوركوتمه مك ايچوندر . بوندن مقصدي ده « بزم آمريقالوردن هيچ برينك دين محمدی قبول ايتك تهلكه سی يوقدر » ديمكدر، يوقسه بونفي ده كندوسنك داخل اولماديغنه جمله سابقه شهادت ايدر . شوجه يي يازارايكن آمريقالی « محمد آلكساندر روسل وهب » ك آمريقا غزنه لرندن برنده وقتيله او قوديغ بر مقاله سی خاطر يمه كلدي . محمد وهبك نشر اسلام ايله اشتغال ايدهرك و مجمع ناس اولان محللرده نطقلر ايراد، جرائد و رسائل ايله نشر مقالات ايلهرك وطنداشلي ن دين اسلامه دعوت ايتديكي معلوم يا . بركون آمريقا اعاضمندن بري وهب افندي يي طوتار ديركه : « ياهو ! سنك بزي دعوت ايتديكك قواعذك كافه سی معقول وشايان قبول شيلردر . لكن سن ، بوقوا عده اسلاميت نامني



ویردکجه وهر کسی دین اسلامه دعوت ایتدکجه کیمسه یه قبول  
 ایتدیرمک احتمالی یوقدر . اشبو دعوتکده نائل موفقیت  
 اولمق ایسترمیسین؟ بومذهبه « خرسیتانلغک فلان شعبه سیدر »  
 دیه برنام ویر . اوحالده موفق اوله جغکه هیچ شبهه ایتمه .  
 کوریورمیسکز؟ حریفلرک ذهنه « اسلام » کله سی نه فنا  
 بر صورتده یرلشدیرلمشدر . « اسلام » نامی آلتده سوبلدیکی شیلر  
 نه قدر حقیقت اولسه آنلر ایچون قبولی ممکن دکلدیر . ایشته  
 مسترقار لایل همشهریلرینک شو حال اسف اشتمالی بیلدیکی ایچون  
 « بزدن هیچ برینک دین محمدی بی قبول ایتمک تهلسکسی یوقدر »  
 دیور .

مع هذا بوافادات ده موافق حقیقت دکلدیر . هدایت ربانیه  
 ایرشدکن صکره الک زیاده دینسز و ملحد کورونن کیمسه لرک بیلله  
 واصل راه هدایت اولدقلرینی بیکرله مشاهده ایدیوروز . تاریخ  
 بوکا شاهد اولدیغی کی، زمانمزده دخی امثالنی کورمکده یز .  
 دها برایکی عصر اول جدی و صمیمی خرسیتان اولدیغی حالده  
 مسلمانلره مشابه حرکتده بوتندیغدن ومثلا جمعه کونی بیاض  
 لباس کیدیکندن طولانی نیجه کیمسه لر آتسه القا اولنور ویا صور  
 سائر و بیک درلو اشکنجه ایله دیار عدمه کوندریلور ایکن؛  
 بوکون بر « وهب » ک چیقوب خرسیتان کنیسالرنده اسلامیتی نشر  
 ایچون وعظ ونصیحت ایتسی، بر « عبدالله کوویلیام » ک خرسیتانلق  
 علیهنده واسلامیت لهنده اوله رق عالم نصرانیت ایچنده جرائد

ورسائل نشر ايتمى، و برچوق كيمسه لرك ده آنلره اتباع ايلمى  
 بينده نه بيوك فرق واردر . «اسلام» كله سنك آغزه آلمى كفر  
 عد ايلديكى زمانلر، بركون اولوبده عالم نصرانيتك مرا كزى  
 اولان ويانه، پارس، برلين، لوندزه، حتى پترسبورغ ده جوامع  
 شريفه بنا اولنه جغنى؛ سحر و قى مؤذنلر منازدله چيتوب  
 «الله اكبر، دين اسلام حقد، محمد حقد» ديه عالم نصرانيتها  
 تلقين دين ايدده جكنى برى چيتوب سويامش واسيدى هيچ كيمسه بوكا  
 احتمال و يرמידى ؟

كيمك عقلنه كلور ايدى، كه: ايلروده «ياسه نت لو وازون»  
 نامنده بر راهب چيقاجق؛ پارسده، اوت ! تعصب نصرانيتك  
 مركزلرندن اولان پارسده بر «پولتيق مسلمان» تشكيل ايدده جك  
 و بوتشبنده موفق اوله جق و بويله بر حركت جرائكارانه سنك  
 جزاسى اوله رق يالكز صنف رهبانيتدن طرديله اكتفا اولنه جق !  
 ينه كيمك عقلنه كلور ايدى، كه «غره نيه» نامنده بر فرانسز  
 عاناً مسلمان اولدقدن صكره، هم شهريلرى طرفندن تابعين ايدملك  
 شويله طورسون، بالعكس مجلس مبعوثانه، نيجه كر دلر مسلمانلر  
 عايينه (قرو وازاد) تشكيل ايدن فرانسه مجلس مبعوثانه اعضا  
 انتخاب اولنه جق و اوراده هيچ بر ممانعت كورمكسز  
 و بلكه حكومتك حمايه سنه مظهر اوله رق عباداتى عاناً اجرا  
 ايدده جك و بونكله ده اكتفا ايتمه رك عالم نصرانيتك اسلاميتى  
 يكانه مدار اتهام عد ايلديكى تعدد زوجات مسئله سنك محاسنندن

بحث ایدہ رک فرانسه قانونہ قبول ایدلمسنى تکلیف ایدہ جک !  
 ینہ کیمک عقانہ کلور ایدی، کدپارسدہ و نیورق، شقاغوکى  
 آمریقانک بلاد جسیمہ سندہ اسلامیت نامہ لوجه لر تشکیل  
 اولنوب مسلمانلرک آیینی اوزره حرکت اولنه جق !

بووقوعانک کافه سی « بزدن هیچ برینک دین اسلامی قبول  
 ایتک تهاکمه سی یوقدر » کلامنی رده کافی برر برهان دکلمی ؟ .  
 ۲۵ . قارلایل . — حقیقت محمدیه یه اطلاع ایتنه نک  
 چاره سی شودر : محمدک عالمی نه یولده تاقی ایتدیکنی اوکر نه لم ؛  
 « عالم آنی نه یولده تاقی ایتیش وایدیور ؟ » سؤالنه بالسسهوله  
 جواب اعطا اولنه یلور .

ایضاح . — دیمک ایستیور، که فخر عالم صلی الله علیه وسلم  
 افندمنر حضرتلرینه برنبی صادق نظریله می ، یوقسه ( حاشا )  
 یلانجی برشعبده باز نظریله باقه لیدر ؟ بونی حل ایتنه نک اک  
 قولای طریق آنک عالمی نه یولده تلقی ایتدیکنی اوکر نمکدر .  
 زمان سعادتلرنده عالمی کندى اغراض نفسانیه سنه می خادم  
 ایتیش، هوی وهوسنه او یارق تبعه سنی کندوسنه ملعبه می قیلمش ،  
 یوقسه هر معامله سندہ جدی اوله رق ابنای جنسنی طریق  
 مستقیمه می تشویق وترغیب ایلمش . اکر بوجهت حل اولنورسه  
 عالمک آنی نه یولده تاقی ایتدیکی ده مستبان اولور . فی الحقیقه  
 تاریخ اسلام بزه کوستریور وتواتراً اثبات ایدیور که پیغمبر  
 ذیشان افندمنر حضرتلری زمان بعثته قدر اخلاق ممدوحه لرله

وطنداشلازىنىڭ امنيت كامالەسىنى قوزاندقلىرى كېيىن بىخەتەرلىككە  
 انسانلىرى دىركە اشرا كىدن قورتارمىق ، اخلاقى فاضىلە ايله  
 مەتەصف قىلىمىق اىچون ھەردىلە فەداكارلىقنى اختیار ايتىمىز . تبلىغ  
 احكامىدىن مەنى اىچون ايدىلەن تەھدىدلىرە اصلاً قوللاق آصايدىغى  
 كېيىن امرتبلىغىدىن فراغت ايتىمىز اىچون تەكلىف ايدىلەن رىشوتلىرە ،  
 دىياسىلىرە دىخى تەزىل ايتەمىز ھەرسوزىنىڭ باشلىدى « بىن ، سىزە  
 تبلىغ احكامى خەسەسەندە طرف بارىدىن مامۇرىم ؛ بونىڭ اىچون  
 ھېچ بىر اجرت ايسەتمەيمىز ، مەقابىلە قىلۇن ايتىمىز » كلامى تەكرار  
 بىيورمىشلىرىدۇر . التەش سەندەن زىيادە دوام ايدىن مەدت ەمىرلىرىدە  
 امر تبلىغە اصلاً جەدىتەن آيرىلمادىغىنى وداثا اوصاف جىلە ايله  
 مەتەصف اولدىغىنى كۆرۈن اقرباسى ھەم شەرىپلىرى كەندوسىنى نې  
 مەرسىل اولمىقىدىن بىشەقە نەسۈرەتە تەلقى ايدە بىلورلىرىدى ؟ ايشە  
 شومەت قىلە ظەرقەندە باجمە ەرىستان خەلقى كەندوسىنىڭ دىعۋاى  
 نىبوتى تەصدىق وكتوردىكى دىنى قىلۇن ايتەكلىرى كېيىن ارتخاۋەندىن  
 سىكرە دىخى يوزلىرە اقوام : راء ھەدايتەدە آنلرە پىرو اولمىشلىرىدۇر .

۲۶ . قارلايل . — تەمەنىڭ ھىلەكار بىرلەنچى ، مەجىم بىر  
 سەختەكار اولدىغىنى ، دىنىڭ سەچمە سەپان بىر شى ايدۇكى مەشەلۇ  
 اوتەدەن بىر دوران ايدەكلىن شەيئەت ، ھەن كىمەسە طرفەندىن التەزام  
 ايدەلمە مەكە باشلامىشلىرىدۇر .

ايشاح . — مەشەرقىلر سەيەسەندە !... اوت ! دىھا ھەنوز  
 « باشلامىشلىرىدۇر » . تەجرىئە حەقايق ايلەۋەدەكچە دىھا نەلر اولە جەغنى



اللہدن بشقہ کیمسہ بیلمز . یالکز ماضیدن مستقبہ استدلالہ  
مقدر اولانلر، شمدی یه قدر حقایقک بو قدر جق میدانہ چیقمش  
اولسنہ نظراً بوندن صکرہ سیچون دها بیوک عنایات الہیہ یه  
منتظر اولورلر .

باقکز وولتر نہ دیور : «ای جاہلر، ای احققلر! دیکر برطاقم  
جاہلر دین اسلامک شہوت آمیز و هوا پرست بردین اولدیغنه  
سزی ایناندریورلر . حقیقت حال بویله دکلدر . پک چوق  
خصوصات سائرده سزی اغفال ایتدکلری کبی بومسلہ ددخی  
اغفال ایدیورلر . ای راہبلر، منزویلر، پاپاسلر! شهر رمضان  
ایام صیفہ تصادف ایتدیکی وقتلر سزی امساک زمانندن اقشام  
غروب زماننہ قدر ییوب ایچمکدن منع ایتسلر؛ قمار اوینامقدن،  
شراب ایچمکدن منع و اوینادیغکز ویا ایچدیگکز ضرورتده نارجمیم  
ایله انذار ایلسلر؛ بلاد حارده کائن قطعہ حجازیہ یی زیارتہ  
ومالکز قرقده برینی سنوی تصدقہ سزی مجبور قیلسلر؛  
اون سکز قادین ایله معاشرتہ آلمش ایکن بردن برہ درده  
ایندرسلر؛ طوغری سویلیککز! بویله برمذہبہ هوا پرست  
نامی ویریلہ بیلورمی؟»

۲۷ . قارایل . — غیرت جاہلانہ ایله آنک حقندہ .  
جمع ایدیلن اکاذیب، آنحق کندیمز ایچون موجب عاروشیندر .  
ایضاح . — آکا نہ شبہہ ! ... ضیای شمسہ تحمل  
ایدمہ یں شبہہ چشمان ، کونشک ضیای مضر برشی اولدیغنه

دائر برطاقم مقالات اختراع ايدرلرسه قصور شمسك ضياى  
حيات بخشاسنده مى، يوقسه كنديلرنده مى؛ البته شمسك ضياسنده  
دكلدر.

۲۸ . قارلايل . — از جمله، بركوكرجين حكايه سى واردر.  
كوياسمخد: بركوكرجينى قولاغندن نخود دانه سى آلوب ييمكه  
آلشديرمش . صكره بوكركرجين، وحى كتين ملك يرينه  
قونمش. « پوقوق » بو حكايه نه ايله ثابت اولديغنى « غروتوس » دن  
صورمش ايدى . غروتوس دخی بونك صحتسه دلالت ايدن  
هيچ براماره اولساديغنى بيلديردى. ايشته بوكى آكاذيبك  
اورتادن قالديرلمسى زمانى حول ايتشدرد .

ايضاح . — « پوقوق » ۱۶۰۴ سنه سنده تولد و ۱۶۹۱  
سنه سنده وفات ايتمش بر علم الاهى معلميدر . ايلك مستشرقلر .  
دندر . اوقسفورد دارالفنوننده تعلم ايتشدرد . شرق طرفلرينه  
سياحتله السنه شريقه يى وبالحاصه لسان عربى اوكرنمش ايدى .  
بر چوق آثارى واردر . از جمله تاريخ ابوالفرجى انكليزجه يه  
ترجه ايتشدرد . سياحتدن عودتندن صوكره اوقسفورده  
لسان عرب تعليميله اشتغال ايدردى .

« غروتوس » ۱۵۸۳ ده هولاندهده طوغوب ۱۶۴۶ ده  
مكلمبورغده « روستوى » نام محلده وفات ايتمش، هم شاعر، هم  
آووقات، هم ديپلومات بر آدميدر . حياتنك قسم سياسيسى، پك  
مغلق اولوب بعض پولتيقه ايشلرندن دولاي مؤبداً حبسه

محکوم اولمش وایکی سنه یازدقدن صوکره قاریسی کتاب صندیغی  
ایچنه قویه رق قاچیرمش، ینه طوتلمش . بر آره لق مشهور  
اسوچ قرالیچه سی قریستینه چاتوب انک طرفدن سفارتله  
فرانسه یه کلش واوراده «ریشلیو» و «مازارن» کبی رجال دولته  
کچینه مش . حاصلی سیاسیاتی بکنلمک قابل اولمیان بر آدمدر .  
لکن برچوق آثاری اولوب ازجمله حقوق دول علمنک همان  
واضعلرندن معدوددر . اک مشهور اثرلرندن بری، نصرانیتک  
دیانت حقیقه اولدیغنه دائر اثری اولوب بونده اسلامیته  
بیوک، بیوک تعریضلر ایتدیکی بعض آثارده منظورمن اولمشدر .  
عهدعتیق وعهدجدیده دائر شرح وحاشیه لری اولوب بونلرده  
دخی تورات و انجیله عائد بعض مسائلک قرآن کریمده بشقه  
درلوحکایه اولوندقلرینی یازمشدر . بوحالره نظراً ظن اولنه  
بیلورکه حضرت رسولک آلشقین کوکرچینی فقره سی یا «غرو -  
تیوس» طرفندن ایجاد اولمش ویاخود هیچ اولمازایسه بوروایت  
آنک طرفندن دخی نقل ایدلمش اولدیغی ایچون پوقوق «بو  
حکایه نک نه ایله ثابت اولدیغی» کندیسندن صورمشدر . زیرا  
غروتیوسک تاریخ وفاتنه دقت اولنورایسه اوائللرده «پوقوق» ک  
دخی عربستاندن عودت ایتمش اولدیغی اکلاشیلور . ابوالفرجک  
مترجمی اولان پوقوق ، آثار عربیه ده بویله برهذیانیه تصادف  
ایده مدیکندن، بونی زرده کوردیکی آکلامق ایچون غروتیوسه  
اوسوالی صورمشده اودخی حقیقتی پوقوقدن سترایده میهرک

اصلى اولمادىغى جوانى ويرمش اوله بيلور . مستر قارلايلك  
صورت استيعادى دخى بو احتمالاتى اوقشايور .

۲۹ . قارلايل . — بو ذاتك آغزندن چيقان كلمات، اون  
ايكى عصردن برى والحالة هذه يوزسكسان ميايون انسانك  
رهبر حياقى اولمشدر . بز، نصل خلاق عالمك اثرىنى ايسهك ،  
اشبو يوزسكسان ميلون نفوس دخى اثرىنى الاهی در .

ايضاح . — جغرافيون ، وقيله اهل اسلامك عددىنى يوز  
سكسان ميلون تخمين ايتمش ايسهلرده اول وقت چينده  
اسلاميتك انتشارينه دائر بر فكر مفقود اولدىغى كې جهات  
سائرده: كى مسلمانلرك عددى دخى غير معلوم ايدى . بوكون  
اهل اسلامك اوچيوز ميلون راده لرينه واردىغى تصديق  
ايدلمكده در . اخيراً اجرا ايديلن تحرير نفوسده هندستانده  
اهل اسلامك آلمش ميلون اولدىغى آكلاشلمشدر . چينده كى  
مسلمانلرك سكسان ميلونه بالغ اولدىغى ظن ايديلور . على-  
الخصوص آفريقاده ازمنه اخيره كاشفلىرى، نه قدر ايجرو كيدرلر  
ايسه هپ اهل اسلام ايله مسكون اولدىغى كورمكده درلر .

اك زياده اهميت ويريله جك مواددندر، كه اون ايكى عصردن  
برى بونجه ميلونلرله انسانلره او كلام: رهبر اولمش واو آدملرك  
ايچنده غزاليلر، محى الدينلر، ابن سينا ورشدلر، زرخش ريلر،  
تقازانيلر، جلال الدين روميلر كې ذوات كمش ده بو اعظمك  
هيچ برى نبوت شمه ديهك حقيقتنده شبهه ايتمه رك اساساً



کندوسنی، پیغمبر وقرآنی، کلام اللہ اولمق اوزره بعدالقبول مسئلہ لرینی هپ اواصله تفرع ایدن شیلراوزرینه یوروتمشاردر. بوکبی اغاظم دکل آ، معتزله فلان کبی کویا اسلامک « نوره زی » لری عد اولنان صنوف بیله بوبایده شبهه ایتمه مشلردر. بوکا قیاساً موسویلر وعیسویلرایچنده حضرت موسی وعیسیایه، تورات وانجیله معارض اولانلرک اهمیتتی پک بیوکرر.

۳۰. قارلایل. — فی یومنا هذا، عبادالله ایچنده محمدک سوزینه اینانلر، دیگر هر هانکی برکلامه اعتقاد ایدنلردن زیاده در.

ایضاح. — فی الحقیقه عالم نصرانیتک درتیوز اللی میلیونه واصل اولدینی دوشونیلورسه قارلایلک شو محاکمه سی مستبعد کورنور. آنجق عالم نصرانیتک اوچ قسمه آیرلدینی وبونلردن هربری دیکرینی تکفیر ایتمکده اولسی حسیله بشقه بشقه برر دین اولدینی نظراعتباره آلنورسه قارلایلک مقایسه سی تصدیق اوانور. چونکه عالمده بولنان قاتولیکلر ۱۷۰ میلیون، اورتودوقس مذهبنده اولانلر ۱۵۰ میلیون، پروتستانلر دخی سکسان میلیون مقدارنده کوسترلمکده در. بونلرک ایچنده تشکل ایدوب یکدیگرینی طانیایان فرقه لرده حسابه قاتیلورسه هربری برر مذهب مخصوصه سالک اولان ملل نصارادن بهرینک اهمیت وعددی تناقص ایدر. اسلامیت ایچنده دخی فرقه لر، مذهبلر وارایسه ده آنلرک جمله سی اهل قبله اولوب یکدیگرینی تکفیر

ایتمدکارندن جمله سی بردن ملت معظمه اسلامیه بی تشکیل  
ایتمکده دز لر .

۳۱ . قارلايل . — قادر مطلق حضرت تیرینک بونجه عبادینک  
محیا و مماتی اولان برکلامک حقیر و ذلیل بر شعبده بازلق اولدیغنی  
فرض ایده بیلیر می یز ؟

ایضاح . — حاشا !... بویله بر شیئی فرض ایتمک ، کتاب  
حکیمک حکم و مزایاسنه ذره قدر واقف اولماقغه وابسته در .  
بو ، او یله بر کتاب میندر که فصاحت و بلاغتی اعجاز درجه سنده  
اولدیغنی کبی تأسیس ایتدیکی مدنیت فاضله ، عقل بشرک ادراک  
ایده میه جکی درجه بالاتر در . اشبو کتاب حکمتصباک وضع  
ایتدیکی قواعدک خارجنده هر هانکی بر قاعده اتخاذایدلسه حقیقه  
وصول میسر اولمادیغنی نیجه تجربهلر ایله ثابت اولمشدر . بوکلام ،  
سائر کلاملره مقیس اولیوب بونک عبارده سندن بر معنی آکلا -  
شلدیغنی کبی ، اشارتنن ، دلالتدن ، اقتضانندن دخی بشقه بشقه  
مغالز منظم اولور . اون ایکی عصر دن بری میلیونلرله اقوامی  
اداره ایدن قوانین عدلیه و سیاسیه و عسکریه هپ آندن اقتباس  
اولمشدر . بویله بر کلامی تحقیر و تزییفه قالمشوق ،  
تعصب و مکابره دن بشقه بر شیئه منقول اوله ماز . زمان نبویده  
صنادید و اکابر قریشدن آنک حقنده زبان تعرضی اطلاق  
ایدنلر بولنمش ایدی . طرف رسالت پناهیدن « اکر الیکزدن  
کلیرسه سزده بوکا بکزر بر سوره کتوریکز » دیه تحدی و دعوی

بیورلدی . بونجه باغای عرب اول کلامک بلاغتنه قارشو  
زانو بزمن حیرت اوله رق اظهار عجز ایتکه مجبور اولدیلر .  
۲۲ . قارلایل . — بن ، کندی رأیمجه بویله بر فکری  
خاطریه بیله کتوره مم . بوندن دهاملایم شیرله اعتقاد ایدرم .  
ایضاح . — البته قرآن عظیم الشانک دقایق ومزایاسنه ممکن  
مرتبه واقف اولوبده فکری غرضدن وتعبدن عاری اولان  
هرمرد حقیقت پرست ، بویولده حرکت ایدر .

۲۳ . قارلایل . — اکر ساخته کارلغک بودرجه ایلرولمش  
اولدینی تصدیق ایدیلورسه انسان بو عالم حقنده نه دیه جکنی  
شاشیرر قالور .

ایضاح . — قابامیدر ، که برشخص چیتسون ؛ زوجه سنی .  
اولادینی ، اعمامنی والاصل اقربا وتعلقاتنی ، احبا واوداستنی  
ساخته کارلقله اقناع ایتدکدن صکره بالجمله وطنداشهرینی قاندر-  
سون ؛ آندن صکره ده یوزلرله اقوام کندی آرزوی وجدانیلریله  
آکا اتباع ایتسون ؟ مفخر موجودات صلی الله علیه وسلم افندمر  
حضر تارینک صدق واستقامته بیوک بر دلیل دکیدر ، که کندوسنه  
الاول اتباع ایدنلر ، الکیزیده خصوصیت احوالنه واقف اولانلر-  
در . اکر آنلر حاشا ! ذات رسالتما بیلرنده ساخته کارلق دکلر  
قاعده صدق واستقامته ذره قدر مغایر بر حال و حرکت کورمش  
اولسلر ایدی ، عصوبت قومیه ومیلهری آکا اتباعه مساعده  
ایدر میدی ؟ و آنک دعوائی نبوتی کندوسندن زیاده التزام

ايدىرك باللىنى، جانلىرىنى اويۇلدى افسا ايدىرلىرىمىدى؟ زانا ااك  
 بىوك خصمانى بىلە كىندوسىنە نەدىە بىلدىلر؟ مەزىت انسانىيەسىنە،  
 اخلاق حمىدەسىنە خىل وىرە بىلەجك برشى سويلە بىلدىلر مى؟  
 ااك بىوك افترا وپەتلىرى مجنون اولدىغى، شاعر اولدىغى  
 سويلەمەكن عبارت ايدى . جنتى حقندە كىتىردكارى دليل ايسە  
 آبا واجدادلىرىنك اوتەدەبرى مەبود اتخاذايتەدكارى ، ھەردىلو  
 كار زاردە لطف و غنايتلىرىنە مەراجعت ايلەدكارى اصنامە» بولر  
 حجر، شجر مقولەسى شىلدرد: عبادتەلايق دكلمرد: ايشتمزلىر،  
 كورمىزلىر، نىك و بدى فرق ايتىمىزلىر؛ خىر و شرە اقتدارلىرى  
 يوقدر: بولرە عبادتەن وازكىكز . جەلەسنىك خالق اولان  
 ذات اجل و اعلايە اطاعت و انقياد ايدىكز» دىەرك تەعرض ايلەمسەندىن  
 بشقە برشى دكل ايدى . شاعر دىە توصيف ايلەمەلرى ايسە  
 قرآن كرەمك فصاحت و بلاغتە قارشو مەبوت و مەتەحىر قالمەلرەندىن  
 ايلرو كليور ايدى . حالبوكة آنلرە جنت دىە توصيف ايتەدكارى  
 شى، محض حقيقت اولوب بلكە اس الاساس حقايقدر . شەر  
 نامنى وىردكارى قرآن كرەم ايسە، بوكون جەلەمىزك اندە اولوب  
 اقتدارمىز درجەسىندە مىندرجاتنە كسب اطلاع ايتەدىكمىز كتاب  
 مقدسدر، كە ايچندە شەرە بىكز برشى اولمىوب الەياتەن، قصص  
 و حكاياتەن، احكام دىنيويە و اخرويه دن عبارت اولمق اوزرە باشلوجە  
 اوچ جەتتى حاويدر . ايشتە پىغمبەرك مەاصرەندىن اولان وحتى  
 حياتە سولە قصد ايدىن خصمانىك بولوب سويلە بىلەدكارى

دشناملر، افترا لر بوندن عبارت ایدی . اما ذات شریفلرینه ساخته کارلق کبی برشی اسناد ایتک دانائتی خاطر و خیاللرینه بیلہ کتور مامشلر ایدی . چونکہ آنلرک دده علوجنا بلری، عصوبت ملیہ ری واردی . کوزلرینک اوکنده بیویوب درجہ کمالہ کلش اولان اوذاتک چوجقاخذن بری خصوصیت حالنہ تماماً مطلع اولدقلرندن، کندوسندن صدق واستقامتدن بشقہ برشی کورمدکلری حالده، آنی ساخته کارلقلہ نصل اتهام ایدہ بیلورلر ایدی ؟ ایشته همشهریلرینک وحتى خصمانسک بیلہ حسن شهادتنہ مظهر اولمش برذات حقندہ عصرلردن صکرہ بلاد بعیدہ دہ کلوب مباينت دینہ دن بشقہ ہیچ برمناسبتلری اولمیان وحتى تاریخنہ وترجہ حالنہ بیلہ کسب اطلاع ایتہ یں [۱] برطاقم اشخاصک ساخته کارلق اسناد ایتہ لری شایان خندہ استهزا اولمقدن زیادہ سزاوار اسف دکلیدر؟ قارلایمک دیدیکی کبی برذاتک بویله اقربا وتعلقاتی، وطنداشلرینی وحتى ارتحالندن صکرہ عصرلر ظرفندہ تعاقب ایدن میلیونلرہ انسانلری ساخته کارلقلہ اغفالہ موفق اولدیغنہ قؤل اولمق لازم کلورسہ آرتق دنیا دہ هانکی حقیقت شایان اعتماد اولہ بیلور؟ انسانلر ایچون «سوفسطائیہ» مذهبندن بشقہ کیدہ جک برجهت بولنمیوب «لاادریہ» وادیارنده طولاشور قالور.

---

[۱] حضرت پیغمبر صلی اللہ علیہ وسلم افندمزک بر روم پیغمبری اولدیغنہ دائر آمریقا غزتہ لرینک برنده برمثالہ او قومش اولدیغمی بیان ایدرسہم تعجب ایتزمیسکز ؟



۳۴ . قارلايل . — تأسف ! ... بوکي نظرياته ذاهب اولمق، آجينه جق برحالدر . اکر جناب حقك مصنوعاتنه ذره قدر اطلاعنمزوارايسه بوکي شيلري تماماً اورتادن قالديرمالی يز . بوترهات « لادريه » دورينك محصلولاتيدر . بونلر، حرکت عقليه نك دوچار سخته اولمسی کي برحال اسف اشمالی ، قلوب انسانیه نك حال موته دوشنديکني اثبات ايدر . فکر مجه يريوزنده بونلردن زياده کفريات انتشار ايمه مشدر .

ايضاح . — الله، سندن راضي اولسون . اوت ! يريوزنده بونلردن زياده کفريات انتشار ايمه مشدر . في الحقيقه صانع عالمي فراموش ايدهرک بر « اوده » ي بيولته بيولته معبوديت درجه . سنه چيقار مقوبعه آنک هياکل و تمائيلي اولمق اوزره بر طاقم احجار و اشجاره سجده ايتمک، کفر در . يونانستان قديمه اولديغي کي، قواي طبيعيه نك حکمتنه عقل ايردير مامکدن طولايي، هر برينه الوهيت اسناد ايدهرک آنلره قربان کسمک، کفر در . مصر قديمه اولديغي کي، بيک درلو حيوانات و اشياي سفليه نك قارشوسنده زانوبز مين تعبد اولمق، کفر در . جناب حق سمان يره اينديروب بر انسانه حلول ايتديرمک، بعده آتي چارميخه کرديروب اولديرتمک، مزاره و آندن صکره جهنمه يوللامق، کفر در . والحاصل يريوزنده انتشار ايدن کفرياتک حدود غايي يوقدر . لکن انصاف ايله باقلسون؛ فخر رسل صلي الله عليه وسلم افندمنر حضرت تلميله دين اسلام حقنده اختراع ايديلن کفريات

ہونلرہ قابل قیاسمیدر ؟ کفر اولمق اوزرہ تعداد ایتدیکمز  
اساطیرک کافہ سی، تحری ایدلسہ جملہ سنک اصلی وارہ وارہ  
توحید باری یہ واردینی ووقتیہ علومومعارف وادیان ومذاہبک  
انتشارینہ مساعد واسطہ لر اولمادیغندن؛ وجہل، برحال عمومی  
اولوب علوم وفنون — دیری دیری مزازہ کومولمک نوعندن  
اولہرق بتون مدت عمرلزنده کندیلرینی مناسترلرہ، معبدلرہ  
حبس ایدوب یالکزر ایام مخصوصہ سندن بشقہ ہیچ بر زمان  
انسانلری کورمیان وکندیسنی انسانلرہ کوسترمیان — برقاچ شخصک  
ید انحصارندہ بولندیغندن؛ اوحقیقت محضہ نک سوء غرض اثری  
اولیہرق، محضا سائقہ جہالتلہ سوء تفسیردن، سوء تفسیرہ اوغرایہ،  
اوغرایہ مغایر رضای باری احوالہ منجر اولدینی، مستبان  
اولور۔ یعنی بوادیان ومذاہب باطلہ، عن قصد اختراع اولنمش  
شیلر اولیوب مرورایام ایلہ جاہل اقوامک اندہ شکل اخیرلرینی  
اکتساب ایتشاردر۔ حالبوکہ دین اسلام حقندہ انتشار ایدن  
ابطیل وخرافات، دیگر طرف رؤسائی جانبدن محافظہ منفعت مقصدیلہ  
بالالتزام اختراع ایدلمش وحقیقت اسلامیہ اہالیدن ستر واخفا  
اولنمشدر۔ آنکچون قارلایلک بودرجہ کفریات انتشار ایتہ مش  
اولسنی سویلمکدہ یردن کوکہ قدر حق واردر۔

۳۵۔ قارلایل۔ — خیالہ باز بر آدم، بر دین تأسیس ایدہ۔

بیلمورمی؟ برخیلہ کار نیچون طوغلہ دن برخانہ انشا ایدہ میور؟  
اگر بوخیلہ کار مالزمہ انشائیہ نک خواصنی بیلمز وحقیقہ آکا



حصولہ کتورر سہ، مالز مہ انشائیہ نک خواص نہ کورہ حرکت  
ایدمیہ جکندن، یابنایی ا کمال ایتکسزین ویا کمال ایدر ایتز یایدینی  
شی، خراب اولور. نصل کہ امثالی کل یوم مشاہدہ ایدیورز.  
معلومدر کہ خام کیرچ ایچنہ صوالقا ایدر ک آنی سوندور لر.  
شوعملیاتدہ ۳۰۰ درجہ قدر بر حرارت حصولہ کلمکدہ در. اگر  
اوشارلتان کیرچک بوخاصہ سنہ واقف اولماز سہ آندن استفادہ  
ایتمک شویلہ طورسون دیگر مالز مہ انشائیہ بی دہ کیرچ ایلہ برابر  
احراق ایدر. یا، بر شارلتان، برساختہ کار، بر طولانیدیریجی  
برخانہ انشاسنہ مقتدر اولہ مادیفی خالدہ، بردین وضع وتأسیسنہ  
مقتدر اولہ بیلور می؟ کذباً بردین تأسیسنہ قیام ایدن مسایمۃ الکذاب،  
اسود عنسی وسائر دہ مشہود اولدینی وجہلہ؛ آنک ساختہ کارلقاہ  
تأسیس ایتک ایستدیکی دینہ کیمسہ تابع اولور می؟ بویلہ برشیئہ  
احتمال ویرمک مصنوعات الہیہ یہ مطلع اولماق دیمکدر. بالادہ دہ  
بیان ایدلدیکی وجہلہ بوکی ترہاتہ ذاہب اولمق «لادریہ» مسلکنہ  
سلوک ایتکی انتاج ایدر. عقل متین وقلب سلیم صاحبی اولان  
برکیمسہ، بوکی کفریاتہ احتمال ویرہ مز.

۳۶. قارلایل. — انسانک قوانین طبعیہ یہ توفیق حرکت

ایتمسی، طبیعت وحقایق اشیا ایلہ مناسبات صمیمیہ دہ بولنسی.  
لابددر. یوقسہ طبیعت، آکا جواب رد اعطا ایدر.

ایضاح. — کائناتدہ فرما نفرما برطاقم قواعد وارد کہ

لسان شرعدہ آنلرہ «عادۃ اللہ» تعیر اولتور، حکم طر فندن دہ.

«قوانین طبیعیہ» دینلور . ازجملہ جاذبہ قانونی ایجابجہ مرکز  
ارضہ بولنان قوتک بالجمہ اجسامی داخلہ طوغری چکمی،  
بلوطلرزدہ بولنان قوای الکتریقیہ نیک یوکسک محللرہ تصادف  
ایتدیکی وقت بوشالہرق صاعقہ حصولہ کتورمسی، صولرک لایتقطع  
تأثیر حرارتلہ تبخر ایدوب مؤخرأ درجۂ اعتدالی ناقص برمحله  
واردینی وقت، تکرار تمیع و مطر شکنندہ ارضہ نزول ایلمسی  
کی شیلر، ہپ عادۃ اللہدر. «ولن تجد لسنة الله تبديلاً» قول کریمندہ  
بیان بیورلدینی وجہلہ اشبوقوانین طبیعیہ وعادات الہیہ تبدل  
ایتمز. انکچون بر آدم تشبثاتندہ موفق اولمق ایسترسہ عادۃ اللہ  
توفیق حرکت ایتہ لیدر . شاید عادۃ اللہک خلافہ اولہرق صوی  
یوقارو چیقارمق ایسترسہ. موفق اولہ ماز. ایشۂ قار لایلک «طبیعت  
اکا جواب رد اعطا ایدر» دیمسک معناسی، بودر .

نصارا نزدندہ عادۃ اللہ حق تعالانک (حاشا). یریوزندہ وکیلی  
عد اولنان ذواتک کیفیت توسط طرینہ تابع اولدیغندن، ہپ  
نصرانیتک بویولدہ کی اباطیلی اوزرینہ دینندن دہ. اللہندن دہ، نھر  
شیدن وازکچن اوروپا متفننلری «بزہ بویلہ برقاچ انسان اولادینک  
توسطیلہ کندی قانونی اخلال ایدہ جک اللہک لزومی یوقدر»  
دیہ انکار ربوبیتہ قدر کیتمشلردر . آنلر، «قانون طبیعت غیر  
متحولدر» دیہ افتخار ایدرلر . اکردین اسلامدہ کی «ولن تجد  
لسنة الله تبديلاً» یی کورسہلر، بزم «الله» دیہ ایمان یلیدی کمز قدرت  
کاملہ نیک ہیچ برتوسط ایلہ تبدیل عادت ایتدیکنی کورورلر،



کندیلرینک طانیدقلری «ناتور»ک دخی واضعی، اوخالق کل اولدیغنه ازل و جان قناعت ایدرلر ایدی .

برمملکتک عالم، متبحر، عاقل برحکیمی چیقوبده اومملکت اهاالیسنی نصح وپند ایله، نهایت جبر وشدت ایله بر عادتدن واز کچیره بیلورمی؟ حضرت پیغمبر صلی الله علیه وسلم ائندمن ایسه مؤیدمن عندالله اولملری و اوامرو اادات سبحانییه حرفیاتوفیق حرکت ایتمملری سایه سنده در. که عربستان کبی برقطعه جسیمه نك اومتعصب ومخذ اهاالیسنی بالجمله عادات ومعتقداتندن واز کچیرمش وطریق هدایتیه ایصال ایامشدز .

۳۷. قارلایل . — کوچولک برفرق بیله، حقیقتده، برفرق وتفاوتدر. «قالیوسترو» کبی عالمی اداره ایدن مشاهیر، حیلہ کارلقلریله برکون ذوام ایده بیلورلر . بونلرک ایشی ساخته قائمه نقدیه به بکزر . آنی اقتدارسزاللریله تصنیع ایدرلر. دیگر بری کلور آنک ساخته لکنی میدانہ قور . طبیعتده آنلری احراق بالنار ایدر ! مدهش برصدق ایله ساخته قائمه لک ساخته لکنی عالمه اعلان ایلر .

ایضاح . — حضرت محمد صلی الله علیه وسلم ائندمن ایله نبوت دعواسنده بولان «مسيلمه» مقایسه ایدیلورسه، بینلرنده حق فرق کورلمز: ایکسیده بشردر، ایکسیده عرب قومندندر، ایکسیده نبوت دعواسنده بولنیورلر . بینلرنده کی فرق یالکز «یوحی الی» ادعاسنده برینک صادق، دیگرینک کاذب

اولمسيدير . ايسته بوقدر بفرق وتفاوت، حقيقي بفرقدر .  
 بوفرقت نتيجه سي اوله زق، مسيلمه نك كذب ادعاسي بركونده  
 يوزينه اورلمش : فخر عالم صلى الله عليه وسلم افندمنر حضرتلرينك  
 صدق ادعاسي ايسه اقارب وتعلقاي ايله برابر نيچه مليون انسانلر  
 طرفدن تصديق اولمشدر .

« قاليوسترو » عصر اخيرده كسب اشتهار ايتمش بر حريفدر .  
 مجهول برعائله دن ۱۷۴۳ سنه سننده تولد ايتمشدر . اصل اسمي  
 « ژوزف بالسامو » ایدی . بالاخره صاغديجنيك اسمني آلدی  
 و « قونت » عنوانی طاقندی . بر آراق طولاندير يچيلق ايله اتهام  
 ايدلديكندن، ترك ديار ايتمهك مجبور اولدی . مختلف اسملر ايله  
 يونانستاني، مصري، عربستاني، يراني، مالطه يي، ناپولي يي،  
 روماني وبتون اوروپايي كشت وكذار ايتدی . طولاشديني  
 مملكتلرده كيماچيلق ايله طبه دائر بعض معلومات ايدندی .  
 بوسايه ده اجرا ايتديكي حيرت لانكيز تداولر ايله بيوك بر شهرت  
 قزاندی . ۱۷۸۰ ده فرانسه يه كلدی : بر مدت استرازبورغ ده  
 اقامت ايتدی : بيوك القشملره قبول اولندی . بعده پارسه كلدی ؛  
 اوراده ده مظهر حسن قبول اولدی . بر مدت كبار جمعيتلرنده  
 مشار بالبنان اولدی . اكسيرلر، جبلر صاتيور، جنلر طوپلايور،  
 سحرلر ياپيور، موتالري كوستره بيله چكي ادعاسنده بولنيوردي .  
 قاردينال « روهان » طرفندن « قوليه » مسئله سننده ذي مدخل  
 عدايديله رك باستيل حبس خانه سنه آتدی . ۱۷۸۶ ده نفی ايدلدي .

بونک اوزرینہ قالیوسترو انکلتزمیہ چکادی؛ بعدہ اسویچریہ،  
دھا صکرہ ایتالیاہ کتدی . رومادہ ماسونلر جمعیتندہ داخل  
اولدیغی حقندہ اشتباہ ایدلمکک ۱۷۸۹ ده بالتوقیف تحت محاکمہ  
آلندی . ۱۷۹۱ ده اعدامہ محکوم ایدلمش ایسده محکومیتی مؤبد  
حبس جزاسنہ تحویل اولندی . بوصورتلہ روما جوارندہ  
« سن لئون » شاتوسندہ محبوس ایکن ۱۷۹۵ ده ترک حیات  
ایتدی . محاکمہ ومرافعه سنک خلاصہ سی ۱۷۹۰ سنہ سندہ  
رومادہ « قالیوسترونک حیاتی » عنوانیلہ نشر اولندی ومؤخرأ  
فرانسزجہیہ ترجمہ ایدلدی .

ایشته قالیوسترو، ساخته کارلقلہ ایش کورمک ایستہین  
کیمسہ لړک بر نمونہ سیدر واک مقتدر لړندندر . حقیقہ بونک ابراز  
ایتدیکی هنرلر، معرفت لړ، انسانی حیرتدہ براقور . مع هذا اساسی  
صدق واستقامتہ مستند اولیوب شارلتانلقدن عبارت اولغلہ  
آنک کوستردیکی هنرلر، عادتا ساخته قائمہ بکزر . صوکرہ بر  
« روهان » چقار؛ آنک ساخته لکنی میدانہ چقارر . طبیعتدہ  
اصلا مستور قالمیان صدق وحقیقت ظهور ایدہ رک اوساختہ  
اللړک تصنیع ایتدیکی ساخته هنرلړک ساخته لکنی کوسترر .

۳۸ . قارلایل . — علی الخصوص بنم بحث ایدہ جکم کبی  
بیوک بر آدم اولورسہ، آنک صادق اولدیغہ اینانما مق قابل دکلدر .  
ایضاح . — فی الحقیقہ قارلایلک موضوع بحث اتخاذا ایتدیکی  
مفخر موجودات صلی اللہ علیہ وسلم افندمن حضرت لړینک اوصاف

جلیله و اخلاق برکزیده لری بیانور و دعواي نبوتنده صدقك برهانی اولان قرآن کریمك مزایاسنه کسب اطلاع ایدیلورسه شمس تابان کبی ظهور ایده جك اولان حقیقه قارشو سرفرو ایددرك « آما » دیمکدن بشقه برچاره قالماز.

۳۹. قارلايل . — ظنمه کوره ، بیوک برذاتك وحائز اولدینی اوصانك اس اصلیمی شودر : میرابو، ناپولیون، بورنس، قروموهل کبی برایش یامغه مقتدر اولان هانکی برذاتك، هرشیدن اول: یاپه جنی ایشده جدی اولمی لازم کلور . ایشته بن؛ بویله برکیمسه یه صادق دیه بیلیرم . یعنی صدق؛ همده صمیمی، عالی، حقیقی برصدق؛ هر هانکی برطریق قهرمانی ده بولنسان کیمسه لرك برنجی درجه ده حائز اوله لری لازم کلن بروصف مرغوبدر .

ایضاح . — « میرابو » ۱۷۴۹ ده فرانسه ده نه مور شهری جوارنده طوغوب ۱۷۹۱ ده وفات ایتمش بر بلایغ ناطقه پرداز در، که فرانسه نك تجدداتی مسائل مغلقه سنده پك بیوک تأثیرات کوسترمش و بوذاتك نطق لریله قازاندینی اهمیت، او یولده کی ذواتك هیچ برینه میسر اولما مشدر .

« ناپولیون » ۱۷۶۹ ده قورسیفه ده اراقسیو شهرنده تولد و ۱۸۲۱ سنه سنده سنت ئهلن جزیره سنده وفات ایتمش و بر طوبجی ضابطی ایکن فرانسه ده ایمپراطورلق تشکیله قدر یول بوله رق بالاخره او ایمپراطورلغی ده غائب ایدوب بحر محیط

اکبرک اورتہ سنده ، نقطہ مستغرقہ منزلندہ براطہدہ منفیاً ہلاک  
اولمش بولونان مشہور «بوناپارت» در .

« قروموہل » ۱۵۹۹ دە انکترہدہ «ہونتینگدون» نام محلہدہ  
طوغوب ۱۶۵۸ سنہ سنده وفات ایشدر . اورتہ حالی برعائلہدن  
کلدیکی خالدہ اوزمان انکترہدہ وقوعہ کلن محاربات داخلہدہ  
بطش وشجاعتیہ تمیز ایدہ رک بالآخرہ ریاست حکومتہ قدرکیش  
ایسہدہ برچوق مظالم وشدائی ایلہ تاریخدہ پک فنا برنام  
براقشدر . ناپولیونک صورت نشائی دہ بوکا بکزدیکی ایچون  
ناپولیونہ «فرانسہنک قروموہلی» دیرلر ایدی .

قارلایلیک بو اوچ آدمی جدیت مثالی اولہرق ایراد ایتسی  
یادقلری ایشلرک عامہ یہ نفعی وحقیقتہ موافقتی ایچون دکل؛ بلکہ  
تشبہات واقعہ لرندہ جدیت وصمیمیت اتخاذ ایتش اولملری  
ایچوندر . یوقسہ بونلرک جهانبردازلنی ایلہ محمدک جهانسازلنی  
آرہ سنده عظیم فرق واردر . ایلرودہ حضرت رسولک جهانساز-  
لغہ دائر ویریلہ جک ایضاحات، بوحقیقتی تأییدایدہ جکدر .

۴۰ . قارلایل . — جدیت ادعاسندہ بولنان کیمسہ، جدی  
دکلدر . بوکی ادعالر، حقیقتہ پک عادیدر : مناسبتسر، خود  
فروش کیمسہ لرک ساختہ برج دیتیدر . بیوک آدم، جدیتندن  
بحث ایدہ مز، جدیتی شعور ایدہ مز . بالعکس عدم جدیتی  
ملاحظہ ایدر . چونکہ قانون صدق واستقامتہ تماماً امثال  
ایتمک اوزرہ برکون بیلہ حرکت ایدہ جک کیم واردر ؟



ايضاح . — نه طوغرى سوز! هانكى بابايكتدر، كه بركون بيله  
قانون صدق و استقامته تماماً توفيق حركت ايتديكى ادعاسنده  
بولنه بيلسون؟ اوت! قانون صدق و استقامته تماماً توفيق حركت  
ايتك، بالجملة اعضا و جوارخى، عقل و فكرىنى ما خلق لهنه  
تخصيص ايلمك، برامر دشواردر. انسان كامللك اكلى اولان  
مفخر موجودات افندمز حضرتلرى بيله « سورة هود بنى  
اختيارلدى » بيور مشلردى . فى الحقيقه سورة هودده « امر  
اولنديگ كى استقامت ايت » مألنده اولان « فاستقم كما امرت »  
امر جليلي وارد اولمش ايدى . امر اولنديغى يولده استقامت  
ايدمهديكى قورقوسى كندوسنه دهشت ويريور، خوفندن عادتاً  
اختيارلهديغى طوييوردى . اشبوسلك جليل نبوى يه سالك اولان  
امت دخى هپ بويله دوشونمشلر، خوف ورجا بيننده بولنمشلردر .  
حقيقه بيوك بر آدم، كندوسنك جدى اولديغى ادعاسنى خاطره  
بيله كتوره مز . بر كيمسه جديت و صميميت و صدق و استقامت  
ادعاسنده بولنورسه او كيمسه كوچوك آدمدر ، جهل مر كيدر؛  
هم صدق و استقامتى بيايمور، همده بيلمديكنى بيلمور .

٤١ . قارلايل . — بيوك آدم « بن جدى يم » ديه تمدح  
ايتمز، بويله بر دعوادن بك اوزا قدر . احتمالكه كندوسنك جدى  
اولديغى خاطرينه بيله كتورمز ؟ حتى ديه بيلورم كه آنك  
جديتى كندى اختياريله دكلدر؛ جدى اولماق الندن كلز .  
ايضاح . — جمله اعظم اسلاميه نك اقباس فيوضات

ایتدکری فخر رسالت افندمز حضرتلری کبی، فکر و ذکر  
انسانلری ایقاظ ایتکه مصروف اولان برذات، کندی جدیتی  
خاطرینه بیله کتورمز. ذاتاً آنک خلقتی مکملدر. واجب  
تعالی حضرتلری کندوسنی بالجمله اوصاف مقبوله یی جامع اوله رق  
یراتمشدر. آنک جدیتی ده بویله فطریدر. جدی اولماق،  
فطرتنک خارجنده مناسبتسز یوللرده حرکت ایتک الندن کلز.  
۴۲. قارایل. — حیات مسئله مهمه سی آنک نظرند  
غایت بیوکر.

ایضاح. — اوت! او قدر بیوکر، او قدر بیوکر که باری  
تعالی و تقدس حضرتلری بیلمک راده سنده در. آنک چون  
حدیث شریفده «من عرف نفسه فقد عرف ربه» بیورلمشدر.  
۴۳. قارایل. — براق ایستدیک کبی حرکت ایتسون؛  
شوحقیقتک اومدهش خاطره سنی اصلا فراموش ایده مز. آنک  
فکری اویله یارادلمشدر. هرشیدن قطع النظر، حد ذاتنده  
بیوکر. بو عالم آنک نظرند دهشت انکیز، حیرتفزادر؛ حیاتی ده  
حقیقی در، مماتی ده حقیقی در. هر کس بو حقیقتی فراموش ایتسه،  
ساخته بروقار ایله حرکت ایلسه، بیوک آدم آکا مقتدر دکلدر.  
نور عرفان، هر آن آنک اوزرنده لمعان ایدر؛ دائماً آماده بولنور.  
ایضاح. — «اعمل لدنیاک کانک تعیش ابدأ و اعمل لاخراک  
کانک تموت غداً» حدیث شریفی حیات و مماته نه قدر اهمیت  
ویرلدیکنه دلیلدر. هر نه سوبلر سه سوزی و حیه مستند اولدیغندن

آنك ايشنه قارشىمغه كلز. اكر قارىشيلور ايسه «احد» غزوه سنده اولدينى كې وخيم نتيجه لر حصوله كلور. « وآنك لعلى خلق عظيم » قول كرىمىك دلالت ايتدىكى وجهله ذات شريفلىرى خلقاً وخلقاً اكمل مخلوقات اوله رق يارادلمشدر. انكچون نور عرفان دائماً اوزرنده لمعان ايدر.

« بالاي سرش زهوشمندی »

« مى تافت ستاره بلندی »

قارلايلك حق شريف جناب احمدیده ويردىكى شوتفصيلات اول ذات رسالتسمانى آوروپاليله طائىق ايجون اولدينى كې؛ بزم علاوه ايلديكمز شيلر دخى بويابده بر ضميمه نافع حصوله كتورمك ايجوندر. بزم مساعيمز دخى قارئىن عثمانيه مزاجچون دكل، اصل قارئىن آروپاييه ايجوندر. بوتفصيلاتى «اهل اسلامك نفعى ايجوندر» ديمكه بزعدادتا حيايتلى يز. زيرا اعظم اسلاميه عندنده علوقدر وسمو منزلت محمدیه، اوقدر مكمليت و متمميت ايله تقدير اولمشدر كه عادتاً « فنا فى انبى » درجه سنه وارلمشدر. حضرت رسول اكرمى آنلرك طائيش اولدقلىرىنك بىكده برى، بزم كې پيروان پيران عظامده بوانه جق اولسه، ايدى جمله مزك صلحاي حقيقه دن اولمق اغمز لازم كلور ايدى. اوبىكده برك دخى بر معشارى آروپاليله سرايت ايلسه ايدى عن جماعة مسلمان اولملىرى اقتضا ايلر ايدى. اكابر اسلاميه نك متابعت نبى مسئله سنى نه درجه يه وارديرمش اولدقارىنه بر مثال اولمق اوزره

مثنویؒ معنویدن شو :

داند آنکو نیکیخت و محرمست  
 زیرکی زابلیس و عشق از آدمست  
 زیرکی آمد سیاحت در بحار  
 کم دهد غرقست او پایان کار  
 هل سیاحت رارها کن کبرو کین  
 نیست جیحون نیست چو دریاست این  
 وانکھان دریای ژرف بی پناہ  
 در رباید هفت دریا راجو گاہ  
 عشق چون کشتی بود بہر خواص  
 کم بود آفت بود اغلب خلاص  
 زیرکی بفروش و حیرانی بخر  
 زیرکی طنست و حیرانی نظر  
 عقل قربان کن پیش مصطفی  
 حسبی اللہ کوکہ اللہ ام کافی  
 همچو کنعان سرز کشتی و امکش  
 کہ غمورش داد نفس زیر کش  
 کہ بر آیم بر سر کوه مشید  
 منت نوحم چرا باید کشید  
 کاشکی او آشنا ناموختی  
 تا طمع در نوح و کشتی دوختی  
 یا بعلم نقل کم بودی ملی  
 علم وحی دل ربودی از ولی  
 چون تیم باوجود آب دان  
 علم نقلی بادم قطب زمان

ابیات شریفہ فی نقل ایدہ رک تسہیل انتفاع قارئین ایچون

بروجه آتی ترجمه سنه دخی غیرت ایلورز :


« طالعی یاور واسرار الہیہ محرم اولان کیمسه بیلورکه  
 زیرکک ابلیسک مخصوصا تئنددر؛ حضرت آدمک شانی  
 ایسه عشق الہیدر . زیرکک دکز لردہ یوزمک دیمک اولوب  
 دکزده یوزنلر آز قورتیلورلر . انجام کارینه غرق اولورلر .  
 سباحتی ترک ایت . کبرو کیندن دخی واز کچ . بو طریق عشق  
 الہی، بورا محبت محمدیہ، بردره دکل، برجی چون دکل . بردریادر .  
 اوعظیم وبی نہایہ اولان دریای عشق الہی یدی دکزی برصمان  
 پارچہ سی کی سوپوروب کوتورر . خواص ایچون عشق، کمی  
 کیدر، که آفتی آز اولوب انجامی خلاصدر . ایمدی زیرککی  
 صات، حیرانانی صاتون آل . زیرکک برظن و خیالدر؛ حیرانلق  
 ایسه برنظر و فکر در . پیشگاه حکمت مصطفاده عقلی فدا  
 ایت؛ دی که «حسبی الله ! الله بکا کافیدر .» نوح زاده کنعان کی  
 کیدن یوز چویرمه . کنعانہ زیرک اولان نفس لوا مہ سی  
 « جبال مشیدہ نک تپہ سہ چقارم؛ نوحک منتی نہ دن چکیم؟ »  
 دیہ غرور ویرمشددر . کاشکی کنعان یوزمک او کرئمہ مش اولسہ  
 ایدی ده امیدنی نوحہ وکی یہ حصر ایدہ ایدی . یا خود علوم  
 نقلیہ ایله برازدها آزمولو اولہ ایدی ده برولیدن وحی دل علمنی  
 آلمش اولہ ایدی . قطب زمان ایله علم نقلی آرہ سنده کی فرقی،  
 صو موجود ایکن ایدیان تیم کی بیل »

۴۴ . قارلایل . — ایشته بو افادات بیوک آدم حقندہ کی



ایلاک تعریفمدر. کوچوک بر آمدہ دخی بواوصاف بولنہ بیلور.  
چونکہ بو حال جناب حقک یاراتدینی بالجملہ انسانلرہ عائددر .  
لکن بیوک آدم، آندن اصلا خالی اولہ ماز .

ایضاح . — منبع فیوضات اولان انسان کامل، ہر درلو  
اوصاف مطلوبہ بی جامع اولور. سائرلری دہ استعدادلری مرتبہ دہ  
اندن استفاضہ ایدرلر . آنکچون عادی ادملردہ دخی بعض  
اوصاف مرغوبہ بولنہ بیلور. لکن بیوک ادم اولمق ایچون بیوک ککک  
لوازمندن اولان ہر درلو اوصافی حائر اولمق لازم کلور .



### — فقرہ مخصوصہ —

( بشریت عادہ ایلہ نبوتک فرقتہ دائردر )

۴۵ . — مستر قارلایل، فقرات سابقہ دہ نبوت محمدیہ نک  
استعداد وطبیعت بشریہ دن خارج وعقل وقبولہ صیغماز برشی  
اولمادیغی کوسترمک ایچون بعض بیوک آدملری و آنلرہ مقابل  
برطاقم شارلاتانلری موقع بحثہ چککری ایکی طرفک حاللرینی  
موازنہ یہ غیرت ایلور . پک کوزل سویلیور . فقط سویلہ دیکی  
سوزلر، برطرفی خریستیانلق، دیگرطرفی دینسزلک اولمق اوزرہ  
ایچندہ بولوندینی عالمہ کی مشاہداتنہ کورہ سویلنمکدہ بولنیور.  
اکر بوذات، حکمت اسلامیہ عالمندہ بولنہ ایدی، شوسوزلری

دها نه قدر كوزل سويلر ايدى . بز بومسئله ده حكمت اسلاميه عالمك حضرت جلال الدين رومى گوشه مخصوصنى ترجيح ايامش اولديغمزدن بروجہ آتى سويليه جكمز برقاج سوزى اومشكات انوار قدسيه دن اقتباس طريقيه سويليه جكمز . واقعا « سويلينه باقمه سويلديكي شيئه باق » دينلمش ايسه ده بويالكز ظاهر آ طوغريدر . باطناً هم سويلينه باقلى ، هم ده سويلديكي شيئه . سويلينه باقلى كه آندن ده سويلتنه انتقال ايمه لى : آنى سويله تن . قوه احساسيه ، رحمانيدر شيطانيدر آكلامق ايچون . سويله ديكي شيئه ده باقلى : سوز هم نفس الامر ده قائلك احساسات روحيه سنه موافقميدر دكميدر حكم ايتك ايچون . زيرا هر كس سويلر . هر كس عاشق حقيقت كورينورده او عشقك اجباريله سويله يور ادا سنده بولنور . انسانى شاهراه حقيقتدن تحريفه چالیشان ضالين ومضلين بيله ، قانديره جنى آدمى كويا بطلان ايچنده كورر مرحمت ايدرده آنى او كويوه دن قورتارمق ايچون سويلر . بوشارلاتانلرى آكلامق كوچ برشى دكلدر . هم حكمت اسلاميه عالمده بولنانلر ايچون بو ايش دها قولايدر . صدقك ودها طوغريسي كمال صدقك برنجى نشانه سى ، هادى ومرشد اولان ذاتك كندينه عائد هيچ براملى بولنماقدرد . هر نه يولده اولور ايسه اولسون كندينجه براملى بولنور ايسه « خالق و يرر تلقينى ، كندى يوطاز صالحمى » زمره سندن عد اولنور . آنك عشق جعليسى اصل كندى اغراضنى ستر ايچوندر . حضرت منالانك :

عشقہائی کڑی رنکی بود  
عشق نبود عاقبت نرکی بود

یعنی « بر مقصد و غرض اغورنده کی عشق لر ، حقیقتده عشق دکلدر . عاقبت مدعیسی ایچون عیب و عار اولور » دیمه لری ایشته بو حقیقتی بیان ایچوندر . بو شارلاتانلر میاننده اک پارلاق مثال « شوپنهاور » در . او عاشق حقیقت کورونن حریف ، که آغزندن ، قلمندن چقان سوزلره باقیلورسه شایسته اقتدا و امثال بر مرشد کوروندیکی حالدہ افعلانه باقیلنجه نه قدر سفیه و خودکام برلیم اولدینی هر حال و حرکتنده رونما اولور . انسانک آغزندن چقان هر سوز ، اصل کندی سوزی دکلدر . اصل کندی قولی ، او انسانک فعلیدر . فعلی قولنه ، قولی فعلنه موافق ایسه سویله دیکی شیئه کندیسیده اینانوب اطاعت ایدیور دیمکدر . والا ، سویله دیکی سوزلرک کندی نجه بیله شایسته قبول و امثال اوله بیله جک هیچ بر حکمی یوق دیمکدر . اقشاملری راقی تپسیسنک باشندہ بریاندن چاقوب بریاندن ده کویا تربیه ایده جکی اولادینه مسکراتک سیئاتندن بحث ایدن سرخوشک حال و قولی کبی . صاحب مثنویک :

این جهان کوهست و فعل ماندا  
سوی ما آرد نداها را صدا

یعنی « بوجهان بر طاغدر ؛ بزم افعال و حرکات مزده سس دیمکدر . عکس صدا ینه بوسسلری بزم طرفزه اعاده ایدر »

دیملری ایشته بو حقیقتی میندر . انظار و افکار عمومی طرفندن  
 کوره جگمز حکم، قولزه کوره دکل، فعلمزه کوره در. قولمز،  
 ذاتمزی نه قدر تریین و تذهیب ایلمش اولسه ؛ فعلمز اوتدهییات  
 آره سنده، اصل معدن ناپاک پاصری کی، ارباب دقتک کوزلرینه  
 باطار طورر . حضرت حکیم رومینک :

هرکه صاحب ذوق بود از گفت او  
 لذتی میدید و تلخی جفت او  
 نکته ها میگفت او آمیخته  
 در جلاب و قند زهری ریخته  
 هان مشو مغرور زان گفت نکو  
 زانکه دارد صد بدی در زیر او  
 او چو باشد زشت گفتش زشت دان  
 هرچه گوید مرده آنرا نیست جان  
 گفت انسان پاره انسان بود  
 پاره از نان یقین که نان بود

یتلرینی شووجهله :

« صاحب ذوق اولانلر، اوشارلاتانک سوزلری ایچنده بر  
 لذت کورمکه برابر اولداتک چیفتی اوله رق برده آجیل  
 بولورلر. اوشارلاتان، او یله نکته لر سویلرکه کلاب و شکره زهر  
 دوکمشجه سنه مخلوطدر . آنک او کوزل سوزلرینه مغرور اولوب  
 قاپلمه . زیرا التده یوز فالح واردر . اولئیمک ذاتی چیرکین  
 اولنجه سوزینی ده چیرکین بیل . میت اولان کیمسه نک سوزنده  
 روح اولمز . انسانک سوزی کندی انسانلغندن برپارچه در .

آشکار در کہ اکمک بر پارچہ سی دہ امکدر « ترجمہ ایدر ایسہ ک مدققین اسلامیہ نك صادق خائندن فرق ایچون دقتدہ نہ درجہ لرہ قدر وارمش اولمہ لرندن بر نمونہ کورمش اولور زدہ ، بالاخرہ صدق نبوت احمدیہ بی تصدیقہ کی قوتلرینی اکا کورہ آکلارز . اعلای علین حقیقتہ طوغری پروازہ یلتنہ ن ہر مدعی ، نظر مزی جلب ایدہ مز . اوروپا و آمریقادہ بونلردن یوزلر جہ سنی کور - یورز ، اثرلرینی اوقیورز . قارلایلاک دیدیکی جدیت و صداقتک شمشہ سنی بیلاہ بونلردہ بولہ میورز . « عقل ایچون طریق بردر » دیرلر . بورادہ عقلدن مقصد خط مستقیم حقیقتدر . ایکی درلو مستقیم اولہ ماز . ایکی نقطہ آرہ سندہ کی اقصر طرق ، خط مستقیمدر . بری بنلکمزدن ، دیکری قارلایلاک « حقیقتی ادراک ایدہ مدیکمز نامتہاھی » تعیر ایلدیکی مولای متعالدن عبارت بولان ایکی نقطہ آرہ سندہ کی خط مستقیم دخی ، حکمت حقیقیہ در . بوکا مالکیت ادعا سندہ بولنانلرک حاللرینہ بر باقارز . آرہ لرندہ اطراد وار ایسہ او خط مستقیمی بولمش اولدقلرینہ ، والا بولہ مدقلرینہ قناعت ایدرز . ہرہانکی بر مدعی ، بر بشقہ درلو جناح حکمتلہ بشقہ برستمہ پرواز ایدر ایسہ ، نقطہ یکانہ حقیقتہ واصل اولہ مامش دیمکدر . بویلاہ کیمسہ لر بزی نصل ارشاد ایدہ جکلر ؟ ایشتہ :

کردوسہ پرندہ رابندی بہم  
بر زمین مانند محبوس ازالم



يعنى « ايكي اوج طائرى بر برينه باغلار ايسهك ، اوچق  
 حقنده كي سعيلى برالم ييهوده حكمنى آلوب جمله سى يريوزنده  
 محبوس ومضبوط قالورلر » ارشاد مثنويى ، بو حقيقتى ميندر .  
 اما بوشارلاتانلر پارلاق پارلاق سوزلر ايله كوزلر مزى قاشديرده  
 جقلايمش . ولو كه معجزه لر اظهار ايتسونلر ، غزالينك ديدىكى  
 كجى ، برطاغدن او برطاغه اوچق ، بش كره بشك يكرمى بش  
 ايتديكنى اثبات ايده بيلورمى ؟ حضرت پير حكمت سميرك :

هرچه معقولست عقلت ميخرد

بي بيان معجزه بى جزر ومد

ديدكلرى كجى ، موافق عقل وحكمت اولان شئى بيانسز ،  
 معجزه سز اوله رق دخى عقل قبول ايدر . معجزه اوله رق  
 دكزى طاشيروب ينه يوو دسنه اعاده ايتمه حاجت قالمز .  
 حضرت عيسى دخى ، حقيقت حالده كاذب ايكن يالاندن حتى  
 معجزه لر ياپان شارلاتانلردن اصحابنك توقيسى ايچون برمعقول  
 يول كوستر مشدر . آغاچه باقيوب ويردىكى ميوده باقلىرىنى تنبيه  
 ايتمش ؛ بر كيمسه نك ميوده سى ديمك اولان كردارى فنا اولورسه  
 اظهار ايده جكي معجزه لر كده يالان اولديغنى بيله رك اضلال  
 واغواسنه قاپلما ملرني حواريلىز ينه امر ايلم مشدر .

ايشته اهل اسلام ، صادق لر ايله كاذبلر آر دسنى تفريق ايچون  
 بو يولده درس لر آلمش اولد قلر ندن ؛ مستر قارلايلك آوروپالى ،  
 آمر يقالى قارئلر ايچون لازم عد ايلديكى تنبيه اته ذاتاً ومكماً

مظہر درلر . آنلر ، نبی ذیشان افسدیمز حضرتلرینک صدق نبوتلرینی عقلہ صیغماز وقبول وتصدیقہ غیر صالح برشی اولمق اوزره اصلا تلقی ایتمز لر . کتب کلامیہ دہ بر تفصیل مسطور اولدینی وایلرویه طوغری ویریلہ جک ایضاح اتدن دخی مستبان اولہ جنی وجہلہ ؛ مسلمانلر نبوت ورسالت دینلن شیئی پک ممکن اولان امور دن عد ایدر لر . آوروپالیرک ، آمریقایلیرک بونی قبولدہ مشکلات چکمہ لری ایسہ ، بوندن اول آلمق لازم کلان بر تربیہ استحضاریہ یی آلاماش اولملر ندن ناشیدر . بز ، بوتربیہ نک مقدماتی همان ایلک دفعہ اولہ رق مسترقار لایلدہ کور مکدہ یز . آنک ایچوندرکہ صادق وعاشق حقیقت اولان اودات ، نبوت محمدیہ یی قبولدہ ہیچ کوچلک کور میور ؛ کندی قبولنہ قارئلرینی دخی تشریک ایچون بیک مثال ، بیک برہان ایراد ایتسی دہ ، ہپ اوحقیقت محمدیہ عشقنک سوقیلہ در . جزاء اللہ خیراً کثیراً .



۴۶ . — مسترقار لایل شارلاتانلرک ماہیتدن قارئلرینی خبردار ایلدکدن صوکرہ ؛ جدی آدملرک ماہیتلرندہ اولان کالاتی دہ تعریف وتصویر ایدیور . انسان کاملی بر آوروپالینک نصل کوردیکی وکوستردیکی حکیم مشارالہک مقداری آز ، معناسی بیوک اولان اوسوزلرندہ کوردکدن صکرہ ؛ بردہ آنی بر مسلمانک ، یعنی حقیقت محمدیہ مکتبندہ شا کرد اولان بر حقیقت پرستک ، نصل کوروب کوستردیکی کور ملی یز ؛ کہ « نبوت » دینلن وپک

چوق كيمسه لرك حوصله قبوللرينه صيغيمان شيئك نه قدر  
طبيعى اولدينى تحقق ايلسون . مرتبه عاديئه انسانيه نك نه قدر  
عالى اولدينى كورلدكدن صوكرده : مرتبه عاليه نبوتك نه قدر  
بالانشين اولدينى البته دها قولاي تفهم اولنه بيلور .

حكمت اسلاميه ، انسانده بربى ماديت وجسمانيت ، ديكرى  
معنويت وروحانيت اولق اوزره ايكي ماهيت آزار : بونلرك  
برنجيسى ، آروپايلرك «فيزيولوژى» تعبير ايلدكلرى اوواسع  
ومحيط «وظائف الاعضا» علمك : ديكرى ده «پسيقولوژى»  
ديدكلرى حالده هنوز لايق اولدينى قدر توسيع ايدم مامش  
بولدقلرى «علم احوال روح» ك زمين اشتغالدر . انسانك  
ماهيت ماديه وجسمانيه سى ، حكمت اسلاميه نظرند برپوست ،  
برقشردن عبارتدر . بوكاساژ اجسام عاديهدن فضله برحكم  
ويرلمز . حتى ميخانيقيت انسانيه نك حيوانات سائرديه اصلا  
قياس قبول ايدميه جك درجه لره وارن مكمليتيه برابر مواد  
شحميه وعضليه وعظاميه وسائردهن تركي نقطه نظرندن آنى  
ينه مواليد حيوانيه دن برملود عد ايتمكدن ايلرويه چكلمز .  
حكمت اسلاميه ، اصل اهميتى انسانك ماهيت معنويه وروحانيه سى  
ويرر . حتى جسمانيكى قصير ومقعنسس اولان بعض كيمسه لرك ،  
روحانيتى حيثييه ، بوى بوص صاحبى ، فقط ايچى بوش نيجه  
شهبازلره بيك قات فائق اوله جغنى ، نظر دقتدن اصلا تبعيد ايتمز .  
بناء عليه ، تربيه دينان شيئى دخى جسمه دكل . بلكه روحه لايق

کورر . واقعا روحی جسمدن، جسمی روحدن بالکلیہ بشقہ  
برشیدر دیہدہ تلقی ایتیموب :

ترزجان و جان زتن مستور نیست

دیرکه : بویله اولمسه انسانک فضائل روحانیہ سنی بریاشنده کی  
درجه سیله اوتوز بش، قرق یاشنده کی درجه سنه مساوی طوتمق  
لازم کلور . طفولیتہ، صباوتہ، شبابہ، کمالہ، انحطاطہ، شیخوختہ  
مخصوص زمانلرده روحک فیوضاتی جسمک فیوضاتیله متناسب  
کورمک دخی بوجہتی تأیید ایلر . مع هذا تربیه جه «قابلیت» دینلن  
شیئی روحه اسناد ایامک، حکمت اسلامیہ نک اس الالاسی درم  
حتی روحلرک کافه سنی استعداد جهتدن بربرینه مساوی دخی  
عدایتمز . بعضلرندہ قابلیتی آز و بعضیلرندہ چوق بولور . حسن  
تربیه جهتیله قابلیت قلیله نک تکثیره مستعد اولدیغنی ده حکم  
ایدر . بعض کیمسه لرک قابلیتی، حساناته و بعضیلرینک، سیئاته  
متوجه اولدیغنی ده زمین اشتغالندن اوزاق طوتماز . فقط هپ  
او حسن تربیه نک، قابلیت سیئہ نی مستعد صلاح ایتکه قدر تأثیر  
کوستردیکنی اثبات ایلر . بو حکم، دیگر جهتدن « حق تعالانک  
رحم مادرده تقی یاراتدیغنی تقی، شقی یاراتدیغنی شقی اولور »  
فجوا سنه ده معارض و منافی دوشمز . « ختم الله علی قلوبهم و علی  
سمعهم و علی ابصارهم غشاوة » آیت کریمه سنده مفسرین عظامک  
اوزون اوزادی یه شرح و بیان ایلدکلری وجهله ؛ ا کرچه حقیقت  
حالده نیک و بد، حق و باطل، هرشی علم الهمیده داخل ایهده، بر آدم

کندی نفسنک علم الہی دہ شقی ویاخود تقي اولديغنی بیلہ میہ جکی کبی، نفوس سائر دہن ہیچ بریسی حقندہ دخی بوبیلکی پی دعوی ایدہ میہ جکندن؛ انسانی سیأتدن تحذیر وحسانہ امالہ کبی تربیہ یہ عائد مثالده علم ازلی الہی پی موانعدن عد ایتکہ اصلا امکان یوقدر . حکمت اسلامیہ نك، انسانی بووجهلہ مستعد تربیہ ونامزد کمالدر دیہ تلقی ایتسی، خلقت بشریہ دہ کی اشرفیتک دہ مقتضیات قطعیه سندندر . انان مستعد کمالات اولماق اوزره نصل یاراتلمش اولور، کہ نیزیولوژی جہتندن حیوانات سائر یہ فائق اولديغنی کبی، پسیقولوژی جہتندن دہ فائقی سطحی برتبع ایلہ تحقق ایلر . حالبوکہ، تعلیم خانہ لردہ برطاقم سباع مفترسہ یہ ترک افتراس ایتدیرلدیکی وعادتا حیوانات مونسه مرتبہ سنہ واردیرلديغنی کوریلور ایکن طبعندہ بهیمیت وملکیتی جمع ایدن انسانی بهیمیت عادیہ دن اوزاقلشدیروب ملکیت عالیہ یہ تقریب ایتک، محال اولہ جغنی کیمسه اثبات ایدہ مز . مکرکہ داروین کبی، بوخنرکی وبونلرک تلمیذ خاصی اولان شو پنهاورکبی انسانی حیوانات عادیہ دن پکده فرقلی دکلدر دیہ تلقی ایلہ یں بهایم، بویلہ بردعوادہ بولنہ بیلسونلر . آنلر ، بودعوالرندہ برقوری مدعی درجہ سندن اوتہ یہ کچہ مزلر .

۴۷ . — ایمدی حکمت اسلامیہ ، انسانی بووجهلہ تلقی ایدنجه، دیرکہ: حق تعالی حضر تلرینک نوع بشره ویردیکی شرف اصلی ، نعمت تعلیمدن عبارتدر ؛ انسان بوتعلیم ربانینک



فیضیہ، عند الامتحان، ملائکہ کرامہ بیلہ اثبات تفوق ایدہ رک  
جملہ سی طرفہ دن مظهر تعظیم سجود اولشدر . ایشته  
بوشرف اصلی یی محافظہ ایتہ لیدر . بوایسہ رحم مادر دن شوغبار-  
ستانہ دوشدیکہ حالده قالمسیلہ ممکن اولہ ماز . مطلقا جہل طبعیسی  
ازالہ و علم طبعیسی بسط و تمہید ایلہ ملیدر . بشقہ یولدن مظهر  
عرفان الہی اولمق، محالدر . بوسبہ مبنی دین اسلام علوم  
شدتہ توصیه و امر ایلر . تحصیلنی بتون مؤمن و مؤمنہ لره فرض  
عین قیلار . حضرت منلا دخی بواساس اوزرینہ بنای حکم  
ایدہ رک دیرکہ :

کودک اول چون بزاید شیرنوش  
مدتی خامش بود اوجملہ کوش  
مدتی می بایدش لب دوختن  
از سخن کویان سخن آموختن  
تا نیاموزد نکوید صدیکی  
وربکوید حشو کوید بی شکی  
ور نباشد کوش تی تی میکند  
خویشتن را کنک کیتی میکند  
کرّ اصلی کش نبود آغاز کوش  
لال باشدکی کننددر نطق جوش  
زانکہ اول سمع باید نطق را  
سوی منطق از رہ سمع اندر آ

ترجمہ سی : « ابتدا، چو جق سوت ایچی طوغدیغندن؛  
بر مدت خاموش بولنور، باشند آیاغہ بر قولاق حکمنده

قالور . برمدت آكا دوداقلرني ديكوب يعني اغز آچيوب يالكر  
سوز سويله يچيلردن سوز اوكرنك لازم در . بوصورتله تعلم  
ايتدجه ، سويله بيله چكي شيلرك يوزده بريني سويله مز . سويله  
دكلرني دخي بلاشك يالان ياكلش سويلر . اكر حال طفوليتنده  
قولاق اولماز ايسه چوجق « تي تي » و « جي جي » نوغندن بعض  
مهملات مرلدانور ، طورر . كنديسني جهانك ديلسزي ايدر ،  
براقور . ابتدادن قولاغى اولميان ، آندان طوغمه صاغر ديلسز  
قاله جني جهتله ، نطقده جوش و خروشه نصل كله بيلور ؟  
نطق ايچون اول باول سمع لازم اولديغندن ، ميدان نطقه سمع  
يولندن كله ليسين »

٤٨ . — بوتنيهلرك ، بوارشادلرك يالكر نطق عادى ايچون  
اولماديغي محتاج اياضاحيدر ؟ بونلر نطق حقيقى ايچوندر . « وماينطق  
عن الهوى ان هو الا وحي يوحى » سيف حكمتى نطق عادى ايله نطق  
حقيقى آراسنده كى التباسى كسوب آتمشدر . فيثاغور بيله كندى  
شاكرداننه اولاسكوتى مشق و تعليم ايدرايدى . سكوت اولمينجه  
استماع ، واستماع اولمينجه تحصيل كمال نصل ممكن اولور ؟ ايسته اوروپا  
و آمريقابى طولديران لقلقه پردازانك همان هپسنى بويله قولاقدن  
اول ديللرني استعمال ايدر مقوله دن كور يورزده حقايق محمديه يي  
دكل آحقايق عيسويه يي دخي اوكره نوب اكلايه مدقلرينك سببى  
بوندن عبارت بوليورز . اوكرنمه دن سويله يورلر . آكلامه دن حكم  
ايدى يورلر . اسلام ايسه معلم معارف اختصاصدن ، مرشد خاص

الخاصدن اخذ کالات ایدنجه حقایق عالیہ یی حسن تاقی و حسن قبولده کوچلاک کور میور که بزده دخی لقا قیات بیهوده ایله کتابلر طولدیرلسون . بویولده تربیه کورن برمسلمان، نصل انسان کامل اولیور، بیلورسکزییا؟ نور حقیقتی یالکزمشکات محمدیده آرامقله دخی قالمیور . حضرت آدمدن حضرت محمده قدر اونور بتون جهانده شعله پاش اوله کلدیکی کی، حضرت محمددن قیامته قدرده شعله پاش اوله کیده جکنی کورییور . بونی بویله کوردیکی ایچون حضرت استاد حکمت معتاد دخی دیور که :

آب خواه از جو بچو خواه از سبو  
کاین سبورا هم مدد باشدز جو  
نور خواه از مه طلب خواهی زخور  
نورمه هم ز آفتابست ای پسر  
خواه از آدم کیر نورش خواه ازو  
خواه از خم کیر می خواه از کدو  
چون چراغی نور شمع را کشید  
هر که دید آنرا یقین آن شمع دید  
همچنین تا صد چراغ از نقل شد  
دیدن آخر لقای اصل شد

ترجمه سی : « صوبی ایستر دره دن دیله ایستر دستیدن . زیرا بودستی یه دخی اودره دن مدد کلور . نوری ایستر آیدن طلب ایت ایستر کونشدن . چونکه ای اوغل ! ماهک نوری ده، آفتابد . ندر . نور عرفان الهی یی ایستر آدمدن آرا، ایستر طوغریدن طوغری یه کندیسندن آل . شرابی کرک کوپدن کرک قدحدن

ايسته . برهوم برشمعك نوريني اقتباس ايلدكده بومومك  
شعله سني كورن، حقا اوشمعك شعله سني كورمش اولور . اكر  
بونور بويله بربرندن اقتباس صورتيله يوز مومه نقل اولنسه  
اك صوك مومي كورمك، ايلك مومي كورمك ديمك اولور .

۴۹ . — كالات بشريه يي بوضورتله تحصيل ايدنلر اويله  
بر انسان كامل اولوركه حقيقتيه وصول ايچون نه آرالرنده نزاع  
قالور نه ده اوحقيقتك صاحبي ايله مابينلرنده مشاكله بولنور .  
« اصحابي كالنجوم بايهم اقتديتم اهتديتم » ارشادي بونقطه دندر .  
اصحابك هر هانكيسي كورمك لقاي محمدي ايله شرفياب اولمقدردر .  
يا اصحابدن صوكره ؟ « العلماء ورثة الانبياء » بوسؤالك جوابيدردر .  
صوك مومده كورديكمز شعله ايلك شمعك شعله سني اولديغني  
اونوتيه جغز، دكلي ؟ حتي اولجه دخي ديديكمز وجهله مشكات  
محمديه قدرده دكل، ازل آزاله قدر « علماء امتي كانباء بني  
اسرائيل » بوكا اشارتدردر . حضرت معلم پرهنر، اول پير روشن تر،  
مراتب بشريه نك بومرتبه كاله واصل اولانلر حقنده باقكز  
نه بيوريورلر . همده دهان حقيقت بيان پيغمبر ذیشانندن  
بفضل الله تعالى سرك هر بريكره خطاباً مفرد مخاطب صيغه سيلاه  
دييورلر كه :

بني اندر دل علوم انبيا  
بي كتاب وبي معيد واوستا  
كفت پيغمبركه هست ازامتم  
كه بود هم كوهي وهم همتم

مہرازان نوربند جانشان  
 کہ من ایشانرا ہمی بینم بدان  
 بی صحیحین واحادیث ورووات  
 بلکه اندر مشرب آب حیات

ترجمہ سی : « اوزمان، یعنی اوکیالات ظاہرہ و باطنہ ایلہ  
 ترین ذات وصفات ایلدیکک زمان، قلبکدہ علوم انبیائی کوررسین۔  
 پیغمبر دیش : بنم اتمدن بعض کیمسہلر واردرکہ آنلر بنم  
 جوہر داشم و ہمت داشمدرلر . آنلرک جانی بنی اونوردن کوررکہ  
 بن دخی آنلری اونور ایلہ کوریرم . ہمہدہ صحیحینسز، احادیثسز،  
 رواتسز اولہرق تحقیق آب حیات مشربندہ بربرمزی اونور  
 ایلہ کوریرز »

شمدی اولانجہ ہوشمزی باشمزہ آلہلمدہ جدآ دوشونہلم۔  
 مراتب بشریہ نیک بویلہ قصواسنہ واصل اولمش بر مؤمن  
 خاص الخاصی آنک مرشد حقیقیسی اولان خواجہ عالم صلی اللہ  
 علیہ وسلم، بویلہ کندیسیلہ جوہر داش و ہمت داش کورر ایسہ  
 یا اومؤمن اورسول یزدانی نہ نظرلہ کورر؟ غریب سؤال!  
 ایستہ بونک جوابنی دہ پیغمبر ویریور۔ دیورکہ بن آنی نہ  
 نظرلہ کورر ایسہم اودہ بنی اونظرلہ کورر۔ آرتق آرہ یردہ  
 کورلیہ جک، اکلاشلمیہ جق برشی قالدیمی؟

\*

\* \*

۵۰۔ — بحث بودرجه یہ کلدکدن صوکرہ اکر هنوز  
 آرہ یردہ کورلماش، آکلاشلماش برشی قالمش ایسہ اودہ



بوسوزلری بر از ترس آکلایه رق، یا مرتبه عادیة بشریه نی، مرتبه رفیعه نبوته قدر تر فیع، و یا خود مرتبه رفیعه نبوتی، مرتبه عادیة بشریه قدر تنزیل ایامور، ظنندن متولد بر خطا اوله بیله جکندن؛ بو خطای دخی تصحیح ایچون ایضاحات آتیه یی همان سرده لزوم کور مکده یز :

کالات بشریه مراتبندن، یوقار وکی فقرده بیان اولسان مرتبه یی، حضرت پیر دستگیر، هر مؤمن و موحد خاصک مرتبه لایقه سی اولمق اوزره تعین بیوریورلر. بو مرتبه واصل اوله میانلر، درکه تقلیدی کچه مامش. درجه تحقیقه وارد مامش اولیورلر. شو مباحث عالیده اوزوالیلرک هیچ ده اسامیسی اوقونمز. حالوکه جناب خداوندکار حقیقت کفتار، بشریتک بوندن یوکسک بر مرتبه سی دها اولدیغی بیله خبر ویریور. او مرتبه ایسه « فنا فی الرسول » مرتبه سیدر: « لاخوف علیهم ولا هم یحزنون » مدیحه الیه سیله مدوح اولانلرک مرتبه سی، که او مرتبه یه آفاق باصار باصماز کندیلرینی « فنا فی الله » عالم روشنسنده بولی ویرلر. بونلر اول شמוש معرفت الیه درلر، که حقلرنده:

آفتاب معرفت را نقل نیست  
مشرق او غیر جان و عقل نیست  
خاصه خورشید کالی کان سرست  
روز و شب کردار او روشنکریست  
مطلع شمس آاگر اسکندری  
بعد زان هر جا روی نیکوفری

بعد زان ہرجاروی مشرق شود

شرقہا بر مغرب عاشق شود

بیوریسورلر کہ ترجمہ سی : « معرفت الہیہ ، کافہ مکوناتک دلائلہ ظاہر و باہر اولدیغدن آرتق نقل و روایتہ احتیاج قالورمی ؟ او معرفت شمسنک مشرقی ، آرتق جان و عقلدن بشقبہ برشی دکلدرد . باخصوص خورشید کمال ، کہ ہپ او طرف ( لدن ) دندر آنک کیجہ کوندوز ایشی کوچی ، روشنکیرلک ، یعنی تنویر عیون واذہان انامدر . اکر آب حیات حقیقی طالب براسکندرد ایسہک ، بومطالع شمسہ کل . آکا وصولدن صوکرہ آرتق ہر زریہ توجہ ایدرایسہک ، احسن روشن ، سن اولورسین . بعدما ہانکی سمتہ توجہ ایدرایسہک ، اوراسی سکا مشرق اولور . صوری اولان مشرقلر ، سنک مغربکہ عاشق اولورلر ، کہ سن او مغربہ توجہ ایدنجہ مشرق حقیقی ، اصل اوسمت اولمش اولور . »

۵۱ . — ایشٹہ حکمت اسلامیہ عالمندہ بودرجہلر دخی وارد ، کہ قارلایلاک بیوک آدملر نمونہ سی . اولمق اوزوہ صایدینی اسامی . بونلرہ نسبتلہ بہیمیت عادیہ درکہ سندنہ قالور . نصل بونلرہ نسبتلہ ! فقرہ سابقہ دہ اوصافی سبق ایدن محققینہ نسبتلہ بیلہ غروتیوسلر ، بورنسلر ، فلانلر حقیقہً بہیمیت عادیہ منزہ سندن ایلرویہ کچہ منزلر . لکن ملت منورہ احمدیہ دہ مرتبہ بشریہ بو قدر یوکسلملکہ برابر زنہار بومرتبہ بی مرتبہ نبوتہ مساوی عد ایتاملی . تمام منتہای مراتب عرفانہ تقرب ایتمش ایکن ، برخطای

فاحش ایله اورادن پالدر، کولدر اسفل سافلین جهل و کفره  
یو وارلانی ویرماملی . اصل هنر، اصل معرفت اودر، که مسئله  
بعد مسئله تحصیل علم ایدلیدی کبی؛ مرتبه بعد مرتبه تحصیل  
عرفان دخی ایدرک اوطبقات عالیاته صعود ایدلدی که رتبه نبوتک  
سمو ورنعتی دها زیاده آرتدیغنه دقت ایتدلی: نه قدر یوکسه نلسه  
او مرتبه یه وصولک حضرت حبیب خدادن صوکره کیمسه یه  
نصیب اوله میه جغنه ازجان و دل قناعت ایدرک ایشته اصل بوراده  
عشق محمدی ایله غشی اوله لی . اصل بو حالت غشی ده « فنا فی -  
الرسول » نعمته نائل اولمغه چالشمه لی . والا اصل هلاک حقیقی دخی  
اکثریا بو مرتبه ده واقع اولور . حضرت خداوندکار خجسته  
کفتار، باقکز بوباده نه لر بیوریورلر :

آدمی دیدست و باقی پوستست

دید آنست آنکه دید دوستست

ترجمه سی: « انساناق مشاهده دن عبارتدر . آندن ماعداسی  
پوست و قشر در . مشاهده ایسه آنحق دوستی مشاهده دن  
عبارتدر . انسانی انسان صایدیره جق بشقه بر مشاهده یوقدر . »

۵۰ . — اکر انسانده بوشاهده واریسه ، مراتب

عرفانیسه نك بالالرینه چیقیدینی زمان کوزلری کندینی کورمز،  
دوستی کورر . کوزلری کندیلرینی کورنلرک چیقه سیجیه کوزلری  
نه قدر کچین اولدیغنی کوسترمک ایچون دخی؛ وفرت علم و حکمتدن  
طولانی « ابوالحکم » عنواتی آلمش اولدیغنی حالد نهایت « ابوجهل »

لقب منحوسیلہ رذیل و کپازہ اولمش بولسان حریفی یادایدرك؛  
سلطان اقطاب افندمن حضرتلری بنوریورلرکه :

کر بصورت آدمی انسان بدی  
احمد وبوجهل خود یکسان بدی  
احمد وبوجهل دربتخانه زفت  
زین شدن تا آن شدن فرقیست زفت  
این دراید سرنهد آنرا بتان  
وان درآید سرنهد چون امتان

ترجمہ سی : « اکر آدم اولادی یالکز صورت ظاہرہ سیلہ انسان  
اولق لازم کلسہ ایدی، ابوجهل ایلہ حضرت احمدک مساوی  
اولہ لری لازم کلورایدی . ابوجهل و حضرت احمد، ایکسی دہ  
بتخانہ یہ کتدیلر . اما بوکیتمک ایلہ اوکیتمک آرد سندنہ فرق  
عظیم واردر . حضرت احمد، کلدیکی زمان بتلر آکا باش قویدیلر؛  
یعنی حق کولنکی ایلہ باشلرینی قیرمسنہ عرض تسلیمیت ایلدیلر .  
ابوجهل کلدیکی زمان ایسہ بونلرک امتی کی حضورلرنده باشنی  
سجدہ یہ قویدی . »

۵۳ . — شمدی مرتبہ عادیہ بشرایلہ رتبہ رفیعہ نبوتی  
شونکلہ قیاس ایتلی، کہ دنیا دلیا اولہ لی ودنیادہ اللہیرینہ بتلرہ  
عبادت ایدیلہ لی، حکمادن، عامادن، حاصلی ابنای بشردن هیچ  
بری عادی برت اوزرینہ کسر وتخریب چکیجنی قالدیرمامش  
اولدینی خالدہ؛ بوقوت قلب، بومتانت طبع، یالکز پیغمبرلردہ  
کورلمشدر . اولاً حضرت ابراہیمدہ، ثانیاً حضرت موسادہ

کورلمش، فقط حضرت محمدك اصنامشكنلكنه قیاساً بونلر ككى  
هیچ منزله سنده قالمشدر . ایشته نبی اودر، كه بیکلرجه سنده نبی  
« اللهدر » دیه حضورنده هر كسك زمین تعبد رومال تضرع  
وابتهال اولدقلری اوئان و اضنامك « لایضر ولاینفع » برر  
طاش پارچه سندن عبارت اولدقلری حقنده نعره زن حقایق  
اولمقدن فضله؛ متانت قلبیه یی او یله بر درجه یه واردیره، كه چكیچی  
قاوردینی کبی قفالرینه ایندیروب كول اوفاق ایده !.... بوکا  
موفق اولان، نفس لوامه نكده، شیطانكده، حب دنیا و حب  
جاهكده، حاصلی حقندن بشقه جمله نك قفاسنه چكیچ اورر.

بر انسان، عرفان و حکمتی نه قدر تعلی ایدرایسه ایتسون،  
مرتبه نبوتی کندی نفسنه قیاس ایده مرز. امراض نفسانیه مرزك  
اك خفیفلرینه بیله مقاومتدن عاجز وهوسات حیوانیه مرزك اك  
جزئیلرینه بیله مغلوب اولدیغمرز حالدده؛ خلقه تعلیم حقیقت  
وبوتعلیم ایلده ادعای امامت هانکیمزه قالمش؛ مثلاً توتون دیدکلری  
بر مرداره دوچار، و مسمومیت درجه سنده کی مهلاکه سنی  
بیله یکمز حالدده ینه مقهوریتنه گرفتار اولیورزده کندیمزی  
او مرداردن بیله قورتاره میورز. کائناتی طولدیران بونجه  
ملوثاتدن سیلکنوب قورتیلهرق « کفانی الله » دیه بیلیمك  
هانکیمزك حدینه قالمش؛ بونجه حکما و ادبانك تراجم احوالی،  
کتابلر صحیفه لرنده مندرجدر . تدقیق اولسونده، حسناتی  
سیئاتنه ممکن مرتبه غالب کله بیلن قاچ کشی اولدینی کورلسون .

صوکرده انبیاء عظامک نبوتلرینه زبان درازلق ایتمک: نه بیوک  
کستاخلق اوله جفی اکا کوره دوشونلسون. سلطان العارفین  
افدمنر حضرتلری، بونی نه کوزل دوشونمش. باقیکنر! نه کوزلده  
خبر ویریور:

کار پاکانرا قیاس ازخود مکیر  
کرچه باشددر نوشتش شیرشیر  
جمله عالم زین سبب کمره شدند  
کم کسی زابدال حق آگاه شدند  
همسری با انبیا بر داشتند  
انبیارا همچو خود پنداشتند  
گفته اینک مابشر ایشان بشر  
ماوایشان بستہ خوابیم وخور  
این ندانستند ایشان ازعمی  
هست فرقی درمیان بی منتهی  
هر دوی خوردند از یک آنخور  
آن یکی خالی و آن پر ازشکر  
صد هزاران این چنین اشباه بین  
فرقشان هفتاد ساله راه بین

ترجمه سی: « پاک نهاد اولان انبیای کرامک حالرینی، شانلرینی  
کندکدن قیاس ایتمه؛ هر نه قدر املا خصوصنده ارسلان معناسنه  
اولان « شیر » ایله سوت معناسنه اولان « شیر » بر  
ایسهلرده. بتون عالم، هپ بو سببله کمره اولدیلر. حقک  
بدللی اولان ذوات مشارالیهکم حقایقندن، آز کیمسه لر آگاه  
اولدیلر. کمره اولانلر، انبیا ایله برابرلک ادعاسنه قالقشدیلر م



انبيائي. كنديلري كيدير: ظن ايلديار. كيديلركه: ايسته آنلرده  
 بشردر، بزده بشرز: بزده، آنلرده اويقويه و طعامه محتاجز.  
 آنلر، كورلكرندن طولايي شوني بيامديلر. كه انبيا ايله آنلرك  
 آرسنده نهايتسز فرق واردر. واقعا هرايكي قاميش برصو  
 منبغندن ايجادلر؛ اما برينك ايچي بوش قالدي، ديكرى شكر  
 ايله طولايي. بويلا يوزييك امانل واردر. كه آنلري كوردن انبيا  
 ايله بشريت عاديتهك آرسنده يمش ييللق بر فرق اوزاقلاني  
 اولديني آكله. »

۵۶. — انسان: اكتساب ايلديكي علم و عرفانه تعجب  
 و حيرت ايله مرتبه نبوتك كندنده اولان مرتبه دن عبارت  
 اولديغنه قناعت ايدجك اولور ايسه: كنديني بر بطلان  
 فاحشه سوق ايتش و اوبطلان فاحشه قناعت ايلمش اولور.  
 دوشونمليدر. كه بشقه لرني انتقاد و بشقه لري حقنده حاكم ايتك  
 قولايدر: اصل كوچ اولان شي كنديني محاكمه و كنديني محكوم  
 ايلمكدن. بو محكوميتدن مصون اولامديني. يعني عالمه ويرديكي  
 درس حكمتك مقتضياتدن كندى محروم بولنديني حالده: انبيا  
 ايله برابرلك ادعاسي: انساني كندى وجداني او كنده اوتانديره.  
 جق فواحشدندر: بو عالم حوادثده بعض حادثات جزيه،  
 انتظارمزد. كيفمزه موافق دوشمز ايسه. او مخالفتمزد بولسان  
 انسانلري كاملاً اتهام ايدسيورز. قضا و قدره قدر مخالفتمزد  
 بولسيورز. ديمك اوليوركه بشريت عاديته اربابنك ادعا ايدجكي

نبوت، جهانی کندی کیفندن عبارت بولنان حکمتنه تابع قیلمقدر۔  
 بو، بر ذالتدر۔ ذره قدر عقلی اولان، بوکا هوس شویله طورسون،  
 بویله بر شی خواطر و خیالاتدن کچدیکی حالده بیله موجب  
 شرمساری اولسی لزومنه قناعت ایدر۔ بالعکس انسان، اکتساب  
 ایلدیکی علم و عرفان ابله واصل اولدینی مرتبه دن رتبه رفیعہ  
 نبوتی بالمشاهده، آنک علویته حیران اولورسه، کندی کندی  
 بشریت عادیه سی حدودی داخلده محدودیتدن قور تارمش  
 ونهایتسر بر فیضه طوغری قاپمش قوی ویرمش اولور، که او عالم  
 فیضه مقابل، کندی جهالتی بیله، بو عالم کبر و نخوته کی علمدن  
 افضلدر۔ زیرا اوبطالان فاحش واکا قناعت محدودیتی، کندی  
 دها زیاده ترقیدن، کیدکجه ترقیدن، دائما ومستمرأ ترقیدن  
 منع ایدر۔ حالبوکه کندندن بیک قات بالاتر بولنان مرتبه نبوت  
 بیله «قل رب زدنی علما» امریله مأموردر۔ مرتبه نبوته قدر سوق  
 ذهن ایدمین انسان، مرتبه الوهیه قدر نصل سوق ذهن ایدر؟  
 اوت! حکمت اسلامیہ من مرتبه الوهیه قدرده سوق ذهنی  
 امر ایدر۔ قارلایک «حقیقتی ادراک ایدم دیکمز نامتاهی»  
 و «مجهول نامتاهی» تعیر ایلدیکی و بزم «ما عرفناک حق  
 معرفتک یا معروفي» ندالریله آلقشلا دیغمز مقام اجل و اعلا یه  
 قدر ترفیع ذهن ایلجه جکمز۔ کندی مزده حاصل ایده بیلدی کمز  
 نور عرفاندن نور نبوتی استدلاله چالیشه جغمز کی، ینه اونور  
 عرفاندن نور الهی یی دخی استدلاله چالیشه جغز۔ بوکا مستر

قارلايل دخی لزوم کوریور واولزوم اوززینه فقره آتیهی اتیان ایدیور، که بزده اولبابده ایجاب ایدن ایضاحاتی اعطا ایده جکیز ( ۶۱ فقره ) . « انتهى » .



۵۵ قارلايل . — بویه برذاته خارق العاده دینلور . چونکه حقیقتی ادراک ایتدیکمز نامتاهیدن برطاقم هدایا ایله بزده بعث ایدلمشدر .

ایضاح . — محررک : « حقیقتی ادراک ایتدیکمز نامتاهی » دیمسندن مقصودی باری تعالی و تقدس حضر تلریدر . فی الحقیقه کتب کلامیهده بر تفصیل مسطور اولدیغنه کورد، حقایق اشیایه عطف نظر امعان ایدیلنجه، واجب تعالی حضر تلری حتمده معرفت حاصل اولور؛ آنجق جناب حق بیلمکدن مقصد وجودینی . وجوبی، صفات کمالیه ثبوتیه و سلویه سنی، طاقت بشریه نیک یتدیکی مرتبهده، تصدیق ایتدیکدر . جناب حق، کلامنده ذات شریفی تعریف بیوردینی وجهله حی، قیوم، قادر، سمیع، بصیر، عالم، خالق، مرید، متکلم اولمسی کی اوصاف جلیله سیله ییلنور . یوقسه جناب حق کنهی ایله بیلیمک، عندالمحققین غیر واقعدر . آنلردن امتناع معرفته قائل اولانلرده واردر : امام حجة الاسلام، امام الحرمین، صوفیه وفلاسفه کی . کنسه باری یه علمک عدم حصولی حقنده اخبار چوقدر : حدیث شریفده « سبحانک ما عرفناک حق معرفتک » ( یارب! سنی حق معرفتک

ایله بیاہمدک ) : دیگر بر حدیث شدہ دخی « تفکروا فی آلاء اللہ تعالیٰ ولا تفکروا فی ذاته تعالیٰ فانکم لن تقدروا قدره » (اللہ تعالیٰ انک نعم واحسانلرینی تفکر ایڈیکرز . فقط ذات باری تعالیٰ تفکر ایڈیکرز . زیرا اودرجه یه حقیقہ مازسکزر ) بیورلمشدر . حضرت ابوبکر صدیق « العجز عن درک الادراک ادراک » ؛ حضرت علی مرتضیٰ دخی « والبحث عن سر ذات اللہ اشراک » بیورلمشدر .

ایشته فخر عالم صلی اللہ علیہ وسلم افندمن خضر تلزی ، بزہ بوحقیقتنی ادراک ایڈیکمز . ذات اجل و اعلیٰ طرفندن ، بر طاقم ہدایا ایله بعث بیورلمش اولدیغندن ، خازق العادہ در . اولہ ہدایا کہ اعتقادیات : قصص و حکایات : احکام کبی بر قومک دنیوی و اخروی سلامتی کافل اولان و آنلری ظلم و جہالتدن مدنیت و معرفتہ ایصال ایدن امور دن عبارتدر .

۵۶ . قارایل . — آکا شاعر دینلسون ، نبی و یامعبود دینلسون ، نہ دینلورسہ دینلسون ؛ آنک سویلیدیکی سوزلر بشقہ سنک سوزلرینہ بکزمہ مدینکنی ہپ ادراک ایدر .

ایضاح . — چونکہ « وما ينطق عن الهوى ان هو الا وحي يوحى » قول کریمک خبر ویردیکی وجہلہ ، آنک سوزلری ہپ وحی اولدیغندن ؛ بشقہ سنک سوزلرینہ بکزمہ مدینکنہ شبہہ یوقدرہ . شو قدر کہ آنی معبود درجه سنہ چیقارہ رق افراط ایتک ویا شاعر دیہرک شان عالیرندہ تفریط ایلمک جائز دکلدرد . « عبادم

ورسوله « نقطه اعتدالنده ثابت قدم اولمق لازمدر .

۵۷ . قارلايل . — اوزات، اشيائك حقيقتندن بحث ايديسيور. آنكه كل يوم مناسباتده بولسيور؛ برابر يشايور .

ايضاح. — كتب كلاميه ده، حقايق اشيا بحثي، مزالق اقدامدن .  
واك مهم مباحثنددر . چونكه سوفسطائيه ايله آنك طريق ناهموارينه ساتك اولانلر، وجود موجد كائناتي انكار ايجون وجود كائناتي انكار ايدرلر: «بوكورديكمز شيلر، اوهام و خيالات قيليندندر» ديرلر. بالطبع كائنات و موجوداتك وجودي اورتادن قانقنجه برموجده دخی حاجت قالماز . بوسيدندركه ارباب اديان و مذاهب، بوكروه ضالين و مضلينك ترهاتني جرح ايله حقايق اشيا دن بحث ايدرلر. مانجانلرنده «المهي! علمنا حقايق الاشياء كجاي» ديرلر . فخر كائنات عليه اكل التحيات افندمز حنمر- تلي ده اشيائك حقيقتندن بحث ايديسيور ایدی . «بوسرك معبود اتخا ايتديكمز شيلرك حقيقتي بيايورميسكز؛ بونلر حجر، شجر مقوله سي شيلردر. بونلر ايشتمزلر، كورمزلر، خير و شره مقتدر اولمازلر . بوكي شيلر عبادته لايق دكلدر . حقيقتده بونلرك بر خالق وارددر، كه بالمله كائناتك خالقيدر . سزي، آبا واجداديكزي وحتي شوطا پديغكز اصنامي اوياراتمشدر. ايسته عبادته احق و احرا، اودر دير » ایدی .

۵۸ . قارلايل . — مسموعات مقوله سي شيلر ، حقيقتي آندن ستر ايده مز . نور حقيقت، دائما آكا لمعان ايدر .

ایضاح . — عبدہ اصنامک کندی مذہبیرنی ترویج ایچون کتوردکری دلیل، اساطیر و خرافاتدن . مسموعات مقولہ سی شیلردن، دیدی قودیدن عبارت ایدی . « آبا واجدادمزی بو بومسلکہ سالک اولہرق بولدق؛ بزده آنرہ پیرو اولدق » دیرلردی . فخررسل صلی اللہ علیہ وسلم افندمن حضرتلری ایسہ، بوکبی مسموعاتہ قولاق ویرمن، حقیقت حالہ نظر ایدردی ؛ « سزده، ابا واجدادیکزده ہب ضلالت ایچندہ سکنز » دیرایدی . « ہوالاول والآخر والظاهر والباطن » حقیقتی، ہیچ بروقت آنک فکرندن زائل اولمازدی .

۵۹ . قارلایل . — شمدی آنک سوزلری، حقیقتدہ برنوع وحی دکیدر ؟ اولیہ اولمادیغی حالہ آکا نہ نام ویرہ جکز ؟


ایضاح . — محرک اشبو جملہ استفہامیہ سی محتاج شرح و ایضاح اولدیغندن و بحثک اہمیت مخصوصہ سی بولندیغندن بوبابده بروجہ زیر بر فقرہ مخصوصہ کشاد ایلدک ( ۶۱ فقرہ ) .

۶۰ . قارلایل . — اوذات، عالمک قلبندن کلیور؛ حقیقت اشیادن جزؤدر . جناب حق چوق شیلر الہام ایتمش؛ لکن اول ذاتی جملہ دن صکرہ کوندرمہ مشمیدر ؟ حق تعالانک الہامی، آنی تعلیم ایتمشدر : بزہر شیدن اول آنی دیککہ مہلی یز .

ایضاح . — فی الحقیقہ حضرت آدمدن بری، جناب حق، انبیای عظام حضراتنہ چوق شیلر الہام ایتمشدر . لکن سرور موجودات علیہ اکمل التحیات افندمن حضرتلرینی جملہ سندن .



صكره ، خاتم الانبياء والمرسلين اوله رق بعث ايلمشدر . مادامكه  
آنك هر سوزي وحى الهيدر ، بزكال صمت وسكوت ايله آنك  
سوزيني ديكه يوب موجيله عمل ايمه لي يز .



### فقرة مخصوصه

( الوهيت حقنده در )

۶۱. — مستر قارلايل كې عالم اسلاميتك يانجيسى عد  
اولنان برذاتك « شيمدى آنك سوزلري حقيقتده بر نوع وحى  
دكيدر ؟ » سؤالنې ايراد ايتمى نه قدر مغيداردر ؟ مع هذا  
بو سؤالى ايراد ايتمزدن مقدم ، وحيك محل ورودى اولان  
اومجهول غيرمتناهى حقنده براز اجاله افكار ايدهر ك ذهنلري  
تميه ايتمى لازم كلور ايدى . كنديسى بولزومه توفيق معامله  
ايمه مش ايسه ، بزم توفيق معامله ايتمكلكمز ، يعنى بوسؤاله  
« لا ونعم » بر جواب ويرمزدن مقدم ، اومجهول غيرمتناهى حقنده  
براز اداره افكار ايلمكلكمز ايجاب ايدر . بوندن اولكى فقرة  
مخصوصه مزك نتيجه سى دخى بولزوم اوزرنده قرار قيلمش ايدى .  
اوروپاده علوم شتى ايله اشتغال ايدنلر ، وحي قبول ايده -  
ميورلر . چونكه وحيدن مقدم نبوتى قبول ايتمك لازم كلديكى  
حالده اكا تقرب بيله ايده ميورلر . زيرا نبوتندن مقدم الوهيت  
قناعت ايلمك لازم كلوب بونده بيله توقف ايليورلر . بونلرك

اسبابی ایسہ، کړك مقام الوهیت وکړك کیفیت نبوت حقنډه اورالرہ منتشر اولان دینلرک قویدقلى اساسلرک یا کلاشغندن بشقه برشى دکلدړ . برى کلسه ده بر مکمل مسلمانہ « اوروپاده بر صنف خلق، قانون خلقتک اسرارینى او کړنمک ایچون، بونجه علوم ریاضیه وطبیعه تحصیل ایدیورلر، بوقدر بیك سنه لردن برى نوع بشره کشفی میسر اولمش بولنان شیلری اوقینوب بو معلوماتک مساعدده سی درجه سنده قانون خاقتی او کړنیورلرده، خالق دخی اړکړنوب تصدیق ایدہ جکلری یرده بالعکس آنی انکار ایلورلر » دیه جک اولسه اومسلمان شاشار. بوبله خاقتی او کړنوب خاقتی رد، یعنی فعلی تصدیق ایدوب فاعلی انکار ایلہ ملرینه قارشو نه دیه جکنی بیله میهرک شاشیرر قالور . ذکر اولنان متفنلر، بوجہله خاقتی انکار ایلدکلری حالده، او خالق طرفدن مبعوث پیغمبرانی قبول ایدہ ملری اولی بالطریق حکمنی آلازمی ؟ بو حالده ده وحی دینان شی، قال وقامہ بیله آلمغه غیر لایق کورلمزمی ؟ اما قصور بونلرده دکلدړ . بونلر علوم و فنون ایلہ اشتغال ایدہ رک، قانون خلقتی واسرار صانعیتی تتبع ایلدکلری، ذات اجل واعلا حقنډه اویله بر فکر متین پیدا ایدرلر، که اوروپا و آمریقاده منتشر اولان مذاہبک « دیونیتہ » تعبیر ایلدکلری شیئہ اسناد اولنان احوال وصفات ایلہ قانون طبیعتک صاحبہ اشبو متفنلرک اسناد ایلدکلری احوال وصفات آراسنده هیچ بر مناسبت یوقدر . ہلہ مذاہب

مذکورہ اربابنک کندیلرینہ سند اتحاد ایلدکلدی کتب محرفه ده  
انیای کرامه اسناد اولنان بر طاقم شیلری. متفننلر بر انسان کامله بیله  
سزا کوره مدکلرندن. بر انسانک صفت نبوتله مرتبه عادیئ بشریتک  
فوقه حقیقه بیلمسنی عقللرینہ هیچ صیغیره مازلر .

۶۲. — اسلامدن بشقه هانکی ملت اولور ایسه اولسون  
« الله » دینجه کوزلرینی سمایه قالدرر . نیچون ؟ سماده نه وار ؟  
بونک سببی شودر، که خرافات اولین واسطیر متقدمین  
زمانلرندنبری، بتون ماتلر جناب حقه قرارگاه اولوق اوزره  
کوکلری مناسب بولمشلردر . نصرانیت دخی، بو بطلان قدیمی  
ازاله ایدمه مامش : یالکز بونی می یا : اباطیل قدیمه دن بر چوقلرینی  
ابقا ایلدیکی صروده بونی ده ابقا ایلمش . بوغریبه، قیلرده  
اوقدر یر طوتمش، که حقایق حکمت اسلامیه سنه تمامیه واقف  
اولمایان بر طاقم مسلمانلر بیله اسم الهی یاد اولدینی زمان  
کوزلرینی کوکه توجهدن منع ایدمه میورلر . جهاندۀ ایلک دفعه اولوق  
اوزره « شمس توی الی السماء وهی دخان » دین اسلام اولدینی، و مقام  
معنوی الهی یه دلالت ایدن سمانک و آنده کی عرشک، کرسینک  
مغالری هپ بشقه شیلر اولوب معنای فینسنجه سما و فلکک  
محل مصابیح و اجرام اولدینی کوسترن قرآن عظیم الشان  
بولدینی حالده بوتوجه، اسلام ایچون عیب صایلمامزمی؟! اهل  
تحقیق و یاخود بونلر دپیرو اولانلر، اسم الله یاد اولنوب آکاده

بر علامت تسلیمیت کو سترہ جککری زمان اللہینی قبلری اوزرینہ  
قویہ رق سرفرو بردہ جیب تسلیمیت اولور لر . بودھا طوغری  
دکلیدر ؟

سما وارمی یوقی ؟ واریسہ اورادہ نہلر وار ؟ بودعوالری ،  
بوغوغالری ارباب شک واشتباهہ براقہ لم دہ ؛ شویلہ بر موازنہ  
یاہلم : اسم اللہ یاد اولندینی زمان ، اسلامدن بر قسمک سمایہ  
توجہ ایتسی ، سمت رأسمزدہ آثار قدرت الہیہ یی کوردکلری .  
ایچون اولہ بیلور . اوت ! او طرفدہ میلیار لر جہ نقاط ضیادار  
واردر : کہ ہر بری بردنیا و کافہ سی اثر قدرت الہیہ در . اما ایشک  
مشاہدہ جہتی ایشہ بو قدر در . مقصود ، اگر آثار قدرت  
الہیہ یی آرامق ایسہ ، یریوزی نوعیت جہتیلہ سمان زیادہ آثار  
قدرت الہیہ یی حاوی دکلیدر ؟ بو کرہ ارضدن بر ملیون درت  
یوز بیک کرہ بیوک اولان کرہ شمسی ، بر اثر الہی اولہ رق تتبع  
ایلدیکمز زمان ، حاصل اولان حیرتمزدخی ، بیکلر جہ سی بریرہ  
کلسہ بر خط ثخننی تشکیل ایدہ میہ جک اولان بر میقروب تماشا .  
سندن متحصل حیرتمزدن پک چوقیدر ؟ اکبرا کابری یاراتمق  
ایلہ اصغرا صغری یاراتمق مساواتاً شایستہ حیرت دکلیدر ؟  
او حالہ انواع خلایقک کثرتی جہتیلہ ، یریوزی آثار قدرت  
الہیہ نک دہ از یادہ حیرت بخشا بر مشہری اولدیغہ شبہہ ایدیلہ مز .  
ایمدی « اللہ » دینجہ ذہنمزی ابعدا باعدہ سوق ایتکہ مجبور  
اولیمہ لم . اقرب اقارب دخی بو حکمدہ در . ہلہ اسلامک بو حیرتہ

علامت اوله رق اللريني قىليرى اوزرينه كوتورمه لرى، كوزلريني  
دخى يارى قپايه رق شويله برتسليميت متحيرانده بولنمه لرى، نه قدر  
معينداردر؟ مثنوى حقايق محتويده، ينه قرآن كريمدن مقتبس  
اولان برلعه حكمتي، جناب پير مستنير و قطب منير، بروجّه آتی  
شرح و ايضاح بيوريورلر :

گفت پیغمبر که حق فرموده است  
من نکنجم هیچ در بالا و پست  
در زمین و آسمان و عرش نیز  
من نکنجم این یقین دان ای عزیز  
دردل مؤمن بکنجم ای عجب  
کرصرا جویی در آن دلها طلب

ترجمه سی: « پیغمبر دیور : حق تعالی بیورمشدر، که بن نه  
یوقاروده. نه اشاغیده، هیچ بریره صیغمام. زمینه، آسمانه، عرشه ده  
صیغمام. ای عزیز! بونی محقق اوله رق بویله بیل. ایسترایسه که  
تعجب ایت، که بن آنحق مؤمنک قلبه صیغارم. اگر بنی آرار  
ایسه که ایشته او قلوب مؤمنینده آرا. »

۶۳. — قرآن کریم، حق تعالانک ساواتده بولندیغنی زد  
ایتدیکی کبی؛ حکمت اسلامیّه جناب حقّی مکاندن منزّه قیلار.  
حق تعالانک عرش اوزره استواسی، بر محلّ تعینی دیمک دکلدر.  
زیرا بویله اولسه جناب حقّ مکانه احتیاجی لازم کلور.  
قرآن کریمده بوندن دهها زیاده وضوح ایله بر قرارگاه الهییه  
اشارت بیوریلور: « بزانشانه شاخ طمارندن دهها یقینن » دیور.

البتہ قلبمزدن عبارت بولنان بیت اللہ، بزم بزلکمزہ شاخ طمارندن  
 دھا یقیندر . بلوطلرہ راکباً یر یوزینہ تقرب وتنزل ایدہ رک  
 اورادن نعرہ زن خطاب اولہ حق بر آلہی، حوصلہ قبوللرینہ  
 سیغدی رہ مامقدہ معذور اولان آروپا متفئلری، عرش و کرسی سی  
 سویدامز ایچندہ موضوع مقام ایمان و پرستش اولان اللہ  
 ذوالجلالی، قابل دکل، استبعاد ایدہ مزلر و ایتیمورلر . ذاتا بزده کی  
 عقل و عرفانک دخی خالق بولنان حق سبحانہ و تعالیٰ حضرتلرینی  
 بووجہلہ تقریباً تصور ایلدیکمز حالده، او عقل و عرفان مخلوق  
 اونسبتده کندی خالقنہ یا قلاشدیرمش اولورز . ائمدی کندی میزی  
 حقہ، حق کندی مزہ بعد ابعاد ایلہ مساحہ ایدیلہ میہ جک قدر  
 اوزاق کور میوبده حق کوکلمز ایچندہ بولور ایسہک، یعنی بو  
 درجہ لردہ تصفیہ دل و جان ایلہ عرفان الہی یہ استعداد پیدا  
 ایلر ایسہک، فیوضات الہیہ ایلہ تفیضمزک درجہ سنی :

پس محل وحی کردد کوش جان

وحی چہ بود کفتن از حس نہان

بیت شریف مثنویسی تعیین ایدرہ بوندہ عقلدن خارج و حوصلہ  
 قبولہ سیغماز، عجبا نہ بولہ بیلورلر ؟ تربیہ ذاتیہ سنی بودر جہ یہ  
 وارد رمش اولان مؤمنین محققین، اوکستان حقایق الہیہ نک  
 بللی اولان ذات رسالت سمات جناب احمدیدن، الفاظ قرآنیہ یہ  
 ایشدکلری زمان، ذاتا بردر جہ سی، کندی قلوب صافیہ لرینہ  
 دخی عکس انداز انشراق اولمقدہ بولنان زمزمات حقایق آیاتدن



اولدقلىرىنى پك چابوق، پك قولاي طانيه رق « انا بشر مثلكم  
يوحى الى » دعوای صادقۀ نبوتنه « آما » كوى تسليميت ورضا  
اولمشلردر . حضرت استاد كرامت معتادك شو :

این سخنهاي كه از عقل كلست

بوى آن كزار وحن سنبلست

يعنى « عقل كلدن كلن بوسوزلر، اوكلزارالهي وحن سنبلستان  
ربانى رايحه لريله معطر در » بيورملرى دخی ايشته عينيله بويله  
بر تقدير تسليميتكارانه در . بشریت عاديۀ درجه سنده بيله  
انسانك كوكلی، تصفی مؤمنانه ايله، مهبط الهام ربانى اولديغی  
حالده، قلوب منجلیۀ انبیانك وحی كامله نه قدر مستعد اولديغی،  
بوتربيه لر ايله تزين ايتمش اولانلرك هيچ بری، تقدير دن عاجز  
دكلدر . مشوي شريفك :

انكه ازحق يابد او وحی وخطاب

هرچه . فرمايد بود عين صواب

يعنى « وحی وخطابه طرف حقدن نائل اولان نبي ذیشان، هر نه  
فرمان ايدرايسه عين صواب اولور » بيت شريفی، تربیۀ بشريه نك  
بومرتبه سنه واصل اولمش بولنان هر مؤمنك مال حسب حالى اولور؛  
اهل اسلام دن ماعداسی، بو طبقه ده كي سوزلره شاشوب طور دقلىرى  
حالده اهل اسلام بالعكس بونلرك بوشاشقینلقلرينه شاشارلر؛  
كندیلری ايسه اشبو فيض ربانينك اصلا شاشه جق جهتی بوله-  
مازلر . محققين كرام حضراتی، انبیای عظامه و آنلر میاننده  
مخاصه حضرت محمد مصطفایه تجلی ایدن وحی الهی، برقاچ

درجہ و صورتہ تقسیم ایتیمش اولدقلری کبی؛ بویولده کی فیوضات  
 الہیہ بی یالکز انبیای ذیشانہ مخصوص عد ایتیموب بونک انسان  
 و حیواناته قدر تعمم ایلدیکنی بیلہ چشم حقیقت بین ایلہ  
 کورمشلر وزبان حقیقت بیان ایلہ بزلهده بیلدیرمشلردر [۱].  
 فیض حق، عمومیدر. هنراودر، که اوفیضدن تفیضه کافی تزکیه  
 ذاته موفق اولنه. خواجه کائنات علیه افضل التحیات اقدام  
 حضرتلری، وحی والهام ربانی فیضی، نفس نفیس رسالتپناهیلرینه  
 حصر و تخصیص بیورمدیلر. هرشیده صادق اولدقلری کبی  
 بونده دخی کمال صدق ایلہ اخبار و جمله بی شو وجهله تعلیم  
 بیوردیلر، که:

گفت پیغمبر که نفختهای حق  
 اندرین ایام می آرد سبق  
 کوش هش دارید این اوقات را  
 در ربائید این چنین نفخات را  
 نفخه آمد شمارا دید. و رفت  
 هر که را میخواست جان بخشید و رفت  
 نفخه دیگر رسید آگاه باش  
 تا ازین هم وانمانی خواجه تاش

ترجمه سی: « پیغمبر دیور، که بر قلب مصفا، بر ذهن منجلی ایلہ  
 فیض حقه دیده دوز انتظار اوله حق ایامده نفخات فیض الہی،  
 سزه دروس حکمت کتورر. بو وقتلره، بودرسلره؛ عقل و ادعان

---

[۱] حتی حدیث نبویده وارد اولدینی وجهله رؤیای صادقہ نبوتک  
 قرق التی جزؤده بر جزؤی در.

قولاغنى طوتكىز . بونفخات الهميه يى حرز جان ايله يىكز .  
برنفعه كلور، كه سزى حال غفلتده كوروب كيدر . حال بوكه  
لايق ومستعد كوردىكى آدم لره جان باغشلارده كيدر . كوزلر يىكزى  
آچىكز برنفعه دها كلور . آ كاه اول؛ اى قپو يولداشى، كه  
آندن ده محروم قالميه سين . »

۶۴ . — ايشته درس حقيقت، بوضورتده تدريس اينلمش  
بولمق ثمره سيله در، كه اسلام دن هيچ بر عارفده بومسائل مهمه جه،  
ذره قدر بيله، شبهه پيدا اولما مشدر . نه قدر حمد ومثله ناملاه  
شايسته در، كه بوخطابه مخاطب اولان بخياران مؤمنينه، حضرت  
مثنوى، لسان پيغمبر دن « خواجه تاش » تعبير ايدىيور . جمله سى  
عبوديت الهميه بابنده، اويله يا! حضرت رسول الله دخی « عبده »  
در . شرف عبوديتده بتون عباد الله، مشتر كدر . اوت! مظهر  
فيض الهمى اولمقده بر قومك دخی دىكردن فرقى يوقدر . عباد الله،  
عموماً عاطفت الهميه مظهر يت استعداديله يارادلمشدر . اصل  
ايش، او مظهر يت استعدادينى بسط وتمهيدده در . ايشته حضرت  
قطب رومى، ابيات شريفه آتیه ايله، بو حقيقتى آچىق دن آچىغه  
ميدانه قوي مقده در :

آن ندا كه اصل هر بانك و نداست  
خود ندا آنست و اين باقى ضد است  
ترك و كرد و بارى اكو و عرب  
فهم كرده آن ندای كوش و لب  
خودچه جای ترك و تاجيك است و زنك

فہم کردست این ندارا چوب وسنك

ترجمہ سی : « ہانیا وقت تاملدہ درونلرمزہ طوغان ندا، یوقی؟  
اول ندا، کہ ہر صوتك، ہر صدانك اصلی اودر؛ ایشہ ندای  
حقیقی، اودر۔ دیگر سسلر، اوندانك عکسندن عبارتدرلر۔ دوداقسز  
سویلہ نن اوندایی، قولاقسز اولہرق ایشیدوب اكلامقدہ ترك،  
کرد، عجم، عرب ہپ بردر۔ جانم! ترك، تاجيك وزنجیدن  
بحثہ نہ حاجت؟ بوندایی طاشلر آغاجلربیلہ آكلامشلدردر۔ »

اللہ، اللہ! فیض الہی، طاشلرہ آغاجلرہ قدر قابل تفہم  
اولدینی حالده، ترقیات علمیہ ومدنیہ بتون اقوامی کچمش  
اولدینی ادعا سندن بولنان بعض آوروپالیرك و آمریقایلیرك حالا  
وجود باری یی و آنك رسل کرانی ووحی والہامنی اكلایہ ما۔  
ملری، بویچارلر ایچون نہیمان فیضسزلکدر۔ مسترقار لایل،  
بونلر میانندہ، ایلک آثار فیضنی کوستردیکی حالده، نہ قدر تأسف  
اولنور، کہ اوبیلہ مبادی مقالہ سندنہ « بزدن ہیچ برینك دین  
محمدی یی قبول ایتك تہلکہ سی یوقدر » دیور۔ آللہدن نیاز  
ایدرم کہ اودین محمدی یی قبول ایتك شرفی، سکا نصیب اولمش  
اولسون؛ ای حقیقت اندیش!

۶۵۔ — الحاصل، نفوس بشریہ نك درجہ استعدادینہ کورہ،  
ہر کس، فیض حقده مشترکدر۔ فقط نفوس انبیاء، انفس واقدس  
نفوس اولدقلری ایچون، آنلرہ اولان تجلیات الہیہ یی « وحی »  
دیہ ممتاز قیلمشلر۔ ہر نہ قدر قرآن کریمده قرنجہ یہ، آری یہ بیلہ

وقوع بولان فيض الهمي «وحي» كله سياه بيان بيورلمش ايسه ده،  
 بز اصطلاحات اسلاميه مزجه كله مباركه وحي، پيغمبران ذیشان  
 حضراتنه حصر ايدهرک؛ آنلرک ورثه حقيقه سي اولان اوليای  
 عالی جاه افنديلریمز حضراتنه وقوع بولان فيوضات الهميه  
 «الهام» وسائر ارباب رشد و ذکایه عنایت بخش اولان فيض  
 حق «سنوحات» ديمک کي درجاته تقسيم ايتمشز . بناءً عليه  
 حضرت منلای روم :


دو دهان داريم کويا همچوني  
 يك دهان پنهانست درلبهای وی  
 يك دهان نالان شده سوی شما  
 های وهوي درفکنده درهما  
 ليک داند هر که اورا منظرست  
 که فغان اين سری همزان سرست  
 ددم اين نای از دمه های اوست  
 های وهوي روح ازهی های اوست

يعنی : « کویا، نی کي ايکي آغز من واردر . بر آغز من، آنک يعنی  
 مولای متعالك دوداقلرنده در . ديگر آغز من، سزک طرفکزه  
 طوغری نالان اوليور . جهان هایلر، هويلر نشر ایدیور .  
 لکن هر کيمک کوزی واریسه اوکورر، که بونايک دمدمه لری آنک  
 دمدمه لری فيوضاتندر . روحک هایلری، هويلری آنک هیهیلری  
 آثاریدر» دیدکلری زمان، بوسوزلرک عين حکمت ، محض حقیقت  
 اولمسنده هیچ بر مسلم عارفک شبهه سی اوله ماز . فصل شبهه

اولنہ بیلور، کہ اعظم اسلامدن جناب جامی، قدس سرہ السامی،  
تقدیر قیمت مثنویہ دہ :


این نہ نجبست ونہ رملست ونہ خواب  
وحی حق واللہ عالم بالصواب

بیور مشہوردر . الحمد للہ علی الاسلام . البتہ بو حقایق باہرہ ،  
برکون اولوبدہ آوروپا و آمریقایہ قدر منتشر اولہ حق . آنلرک  
حالا عقل ایردی رہمدکری بومباحثک نہ قدر سادہ . طبعی .  
کرچک اولدقلرخی البتہ کوردہ جکلر دہ : شمدی « بزدن ہیچ بری  
دین محمدی نی قبول ایتمہ جک » دیہ نلرک هبسی ، دین محمدی نی  
قبول ایده جکدر . اللہ ورسولہ ایمانم درجہ سندہ بر اطمینان  
ایله ؛ بو حال ، مطلقا وقوعہ کلہ جکدر . « انتہی » .



بسم اللہ الرحمن الرحیم  
الحمد للہ رب العالمین  
والصلاۃ والسلام علی سیدنا محمد  
وآلہٖ الطیبین













3 1761 07467154 6

Es'ad, Mahmud  
Seri'at-i Islamiye

PR  
4430  
H42E8  
1897